

WT258/1502
近代中國史料叢刊續編第九十四輯

沈雲龍主編

梁質人（份）先生年譜

湯中著

文海出版社有限公司印行

WT 158/1502

湯 中 著

梁

質

人

年

譜

自序

昔讀藝風堂文集中之秦邊紀略跋知清初有梁質人份精於西北地理之學昨年揚州測海樓藏書散出余購得質人所著懷葛堂文集取而讀之見質人與熊孝威嘗述重遊秦塞之役及指摘丘文莊不知六衛之謬妄并謂凡書可閉戶而著惟地輿必身至其地嗚呼斯豈淺學之士所能言者今之人皆以爲治西北地理者至有清嘉道間自徐松張穆何秋濤始名家距知二百數十年以前竟有身歷邊境以實地調查製成圖說如梁質人其人哉

秦邊紀略原名西陲今略劉獻廷嘗借錄副本見廣陽雜記徐松曾引入西域水道記見卷三哈喇津爾所受水之源其書之價值可想而知原書竟不傳於世清乾隆四庫存目雖載其書名而已逸其姓氏僅指爲康熙間人所作同治間安徽藩臺吳坤修刊於懷寧以爲乾隆時人所著舉人王灝刊於定州以爲蠡縣李培撰已不辨作者之年代與姓名遑論內容質人尙著有十三陵圖說圖用宋人石刻開方法相方用指南針計里用跬步並訂正肅松錄諸書之誤見與朱字緣書其書必有可觀惜亦散佚不

傳南京國學圖書館藏有鉛本秦邊紀略但非足
本聞嘉興沈曾植家所藏寫本最完足惜未見

質人除治地理之外尤長於古文王源云自易堂諸君子歿湯傷庵謝秋水相繼謝世後起者率多浮沉獨蔡靜子梁質人古文可稱後勁見居業堂文集卷六與梅編長書余謂懷葛堂諸作實突過其師魏禧之文

質人文章學問既卓可傳而其氣節在明代遺民中亦不多見因志存光復而爲韓大任走數千里乞援於吳三桂恐明帝棲神之城湮沒於殘山贍水而徒步至昌平州謁陵寢攢宮爲作十三陵圖說其他禾黍之悲故國之痛流露於字裏行間者更不勝傳指彭士望曰余門下生之患難坎壈艱危誰有如梁生之甚而生之志則益堅氣益銳持大義雖百折九死曾不挫其毫末見朝堂文鈔卷七門人梁份四十序嗚呼質人可稱爲豪傑也矣竊怪如質人之學問文章氣節竟沉霾數百年無人爲之表揚作一翔實傳記能不代爲太息乎

近人所編之清史稿有梁質人小傳一篇寥寥數行不知所云蓋以王源所撰懷葛堂文集序及質人送張方伯往山海關序爲其作傳之藍本隨意勦集雜湊成文絕無傳記之價值見清史列傳七十文

一、宛傳 諸見日本內藤虎博士所著質人年譜約略翻閱頗稱完善而細按之闕漏錯誤層見疊出其最著者對於譜主不辨生卒之年代及失記繫獄之大事至以江西清江之鹿渚誤認爲河南之鹿邑尤爲謬妄余始而詳校質人文集繼而博覽其師友之著述及各種方志中之列傳所蒐材料愈積愈多不忍棄置遂下筆編次此卽余作此年譜之緣起也

年譜之作固以譜主爲對象而與譜主有關係之人物亦當附錄按質人爲易堂弟子易堂在清初順康之間頗有聲於天下閩寧化之泉上粵東之北田新建之天峯星子之髻山南豐之程山江東之板橋浙之河渚虞山之宛溪與易堂相爲酬酢見彭士誼與質子真書若輩多孤忠遺逸痛明社丘墟平山而隱質人之文章氣節直接間接受其影響甚大故依史家之例一併敍述

作 年譜有三難一、質人一生事蹟無碑傳誌銘可以參考其自著懷葛堂文集有復伯兄書雖隱約述其家世然紀載不詳經再三探討而後乃能彷彿其始末二、質人所作文字都不記撰述歲月非自文中細考其甲子及旁證他篇之事實與夫題跋評語之附見者懷葛堂集原刻本文後有評語則無從分年編註若草草輯錄則難免參差失實之弊三、易堂諸子與質人交遊有如全祖

望所云其人蹤跡非尋常遊士所閱歷故似有所諱而不令人知者見歸墟亭集欲蒐集各人歷史按年附錄尤爲不易

余作此年譜匪獨對於譜主事蹟力求翔實卽與譜主有關係之人物非經考訂確鑿亦不敢率爾編入例如萬斯同之生卒年代言人人殊黃百家則謂生於某年月日以康熙壬午四月初八日卒於京邸年六十五萬季野先生墓誌銘方苞則謂卒於康熙丁丑萬季野墓表戊戌夏六月臥疾塞上追思前舊距其歿蓋二十有一年按此推算即錢大昕則謂康熙壬午四月卒年六十萬先生傳疑年錄所載崇禎十六年癸未而卒於丁丑錢大昕則謂康熙四十一年卒年六十康熙四十一年卒年六十係依錢傳推算而劉坊所撰萬季野先生行狀乃稱生於崇禎十一年正月二十四日戌時卒於康熙四十一年四月初八日京邸王司空儼齋明史館中劉撰行狀已收入碑傳集補卷四十四上列四說余以劉說爲最可信蓋劉萬交契有十年之久行狀之作又徇斯同子世標之請其言必有依據且按諸王源所撰萬季野六十序高士萬季野客京師成六十時丁丑春正月丁丑卽康熙三十六年距崇禎十一年確爲六十是則季野生於崇禎十一年正月鑿鑿有徵而所載卒年月日復與黃撰墓誌銘相符王黃兩氏皆爲季野親交此三者所記旣屬吻合則自無疑義故余決以劉說入譜又如顧祖禹之生

卒年代陸心源三續疑年錄乃妄據姚椿晚學齋集遂謂祖禹生於天啓四年甲子卒於康熙十九年庚申年五十七實則誤以魏禮之生卒加於顧祖禹者心源號稱博雅而讀書疏忽竟至如此梁啓超素長考覈對於顧祖禹之生卒年歲亦欠於尋究彼云顧祖禹生卒年無考又云我考了許久考不出來見中國近三百年學術史一四九頁余據魏禮之言祖禹少先生七歲見魏季子文集乃推定生於崇禎四年辛未魏禮生天啓四年甲子祖禹則生崇禎四年辛未復據無錫縣志卷三祖禹卒年六十三乃推定卒於康熙三十一年壬申斯皆信而有徵者要之譜中記事悉經綿密考訂力祛踵訛增僞之病以上所云僅舉一端而已

年譜中所蒐資料以懷葛堂文集爲主並參考其他著述及各種方志然後擇要摘錄分年編入或將有關係之文字全篇揭載以明其一生之事蹟與學問思想之淵源讀此年譜者不獨能明瞭質人一生之歷史并可知清初時代之背景蓋質人交遊甚廣一時文人學者隱逸奇士藉以旁見者不渺焉

區區此作參考書籍不下四十餘種而主要文集往往翻閱至數十遍若遇有疑義而案頭無書

可考者輒寓書南潯嘉業藏書樓施韻秋主任託其檢查各書務得確證而後止

抑有一事尤堪追記者余以朱書爲梁質人摯友意謂其所著杜谿文集必多參考資料但遍求而不得旋由友人蔣君竹莊向無錫丁君仲祜處轉借而來時在一月二十八日夕陽西下之頃余得之狂喜篝燈讀之遂至午夜翌晨臥起聞機關槍聲如連珠不斷始知日軍已猛攻閘北余寓居虹口靶子路危樓一角適當火線之衝惟把卷誦讀不肯釋手因集中有梁質人西陲三書序足正秦邊紀略命名之失爰伏案寫錄不顧窗外之飛機炸彈聲也至三十日砲聲四起危急益甚乃抱此文集出走餘書未攜一冊脫險之後即以歸返原主竊幸借書之雅未傷編纂之功已竟濡筆述此聊以誌慨云爾

民國二十一年三月二十八日序於上海桃源村蕭友梅博士宅中時聞琴聲悠揚回想砲聲震耳之日有如霄壤湯中附識

參考書籍

懷葛堂集 原刻本

豫章遺書本

耽躬堂文鈔

寧都三魏集

謝程山集

譽山文鈔

朱中尉詩集

廣陽雜記

二曲集

槲葉集

受祺堂文集

初刻 繼刻

梁質人年譜 參考書籍

受祺堂詩集

恕谷文集

居業堂文集

獨漉堂稿

寒支集

漢陽五家詩選

國朝詩的

二十四泉草堂詩集

杜谿文集

戴南山集

望溪文集

安序堂文集

鮚埼亭集

道古道文集

潛研堂文集

章氏遺書

敬孚類稿

藝風堂文集

東華錄

聖武記

清史稿

碑傳集

碑傳集補

疇人傳

程山年譜

全祖望年譜

疑年錄彙編

讀史方輿紀要

江西通志

南昌府志

建昌府志

南豐縣志

星子縣志

清江縣志

陝西通志

興安府志

畿輔通志

漢陽縣志

無錫縣志

鄧志稿

四庫全書總目提要

鄭堂讀書記

近三百年學術史

梁質人年譜

質人名份江西南豐人家世寒微自占籍南豐歷七八世中間將仕郎三人耳曾未有一爲郡

邑諸生者見質人復伯兄壽懷葛堂文集卷一

明崇禎十四年辛巳質人生

質人長涂惕巖一歲惕巖卒於康熙五十九年庚子享年七十有九依此推算質人生於是年

涂君惕巖墓誌銘上略易堂凝叔魏夫子多門下生爲師門翹楚者君也君諱尙權字雲石晚

號惕巖中略君生崇禎壬午十二月二十九日戌時終康熙庚子六月初五日丑時享年七十

有九中略余與君同師門先君一飯下略懷葛文集卷七

吳其矩長質人七歲康熙三十三年甲戌其矩年六十一依此推算質人生於是年

贈吳其矩序上略吳子其矩學於躬菴彭夫子者也中略吳子與先外舅爲執友長於余七歲中略

甲戌余重游秦塞取道抱罕執爵壽吳子蓋徂夏吳子客抱罕年已六十矣下略懷葛文集卷三

質人四十歲時魏叔子五十有七叔子卽卒於此年十一月時在康熙十九年庚申依此推算質人生於是年

彭躬菴撰門人梁份四十序 庚申伏日同勺庭及次兒厚本客鄧尉山_{中略}是時余門人梁生份從勺庭南遊留金陵未至_{中略}余年七十有一勺庭五十有七而生之年亦且四十_{下略}

躬堂文
鈔卷七

己未春質人再至翠微年三十有九依此推算質人生於是年

魏敬士送梁質人歸南豐序_{上略}己未春梁君再至翠微家先生相與談晝夜遂邀訓予弟姪於山中欲令其徙妻子而居焉_{中略}孔子曰年四十而見惡焉其終也已今梁君三十有九其

見好於人者非一事_{下略}士文集卷三 魏敬敬士名世儼魏禮之子

綜合以上四條之考證質人生於崇禎十四年毫無疑義內藤譜誤作崇禎十三年庚辰質人生於此歲推其致誤之原因係曲解李草堂墓誌銘

按李草堂墓誌銘云草堂姓李諱一鳳字五文草堂其別號也_{中略}生明崇禎三年十二月甲

子卒清康熙壬午四十一年三月癸巳享年七十有三中略余在弘齋夫子門牆日草堂已十年以長宜余知之審也讀葛堂文集卷七以爲草堂長質人十歲依此推算質人卽生於崇禎十三年不知所謂十年以長者乃約略言其年之整數凡年長十年或十二年者皆可云十年以長安得遽定爲長其十年耶

清順治二年乙酉質人五歲

是年質人溺於河

潘柳東八十序上略而余五歲溺於河亦與爲無異下略讀葛堂文集卷三

是年左良玉破九江金聲桓入南昌朱中尉議擄彭士望兩人挈妻子走建昌士望三至寧都見魏禧立談定交遂同中尉往依焉與諸子結廬金精之翠微峯講易談史爲易堂凡八九人

魏叔子朱中尉傳

翠微峯距寧都城西十里金精十二峯之一也四面削起百十餘丈西面金精者蒼翠袤延如列屏東面城大赤如赭中徑坼自山根至絕頂若斧劈然或曰長沙王吳芮之所鑿也張

麗英飛升蓋卽其處相傳自上古來無或登而居者歲甲申國變予采山而隱聞邑人彭氏因坼鑿磴架閣道於山之中幹辟平地作屋其後諸子講易蓋所謂易堂者也予同伯兄季弟大資其修鑿費丙戌春奉父母居之因漸致遠近賢者先後附焉

魏叔子
徵峯記
翠

當時易堂之經濟程山之理學髻山之節義鼎峙江西有聲於天下見查小蘇九十序

懷葛堂文集卷三

按易堂九子爲魏祥一名際瑞善伯又魏禧冰叔又魏禮和公又彭士望躬林時益確原原名誠明寧藩之彭任中叔曾燦青邱維屏邦李騰蛟成皆以文章經濟名於時質人受業於躬菴叔子又師事確齋

按程山諸子爲謝文淳約甘京健封濬位黃熙維在危龍光曾都美湯其仁密等邵睿明弘亦講學於程山學舍謝文淳江西南豐人明季諸生年二十餘入廣昌之香山閱佛書學禪既讀龍溪王氏書復讀陽明書遂與友講陽明之學年四十會講於新城之神童峯有王聖瑞者力攻陽明文淳與爭辨累日爲所動取羅整菴困知記讀之始一意程朱闡程山學舍於城西名其堂曰尊雜時寧都易堂九子節行文章爲海內所重髻山七子亦以節概

名文游獨反已閭修務求自得

國史林傳

程山居南豐城西偏石圓砥可坐數百許人在獨孤

彈琴馬退石之左林塘幽閨修竹翳如堂三楹館室亭榭凡數處濬京與師約齋嘗授徒其

內吾易堂諸子每過必出所撰著述近日行事講貫連日夜互爲規益星渚宋末有曾一至

居旬日歎爲生平僅事四方遠近之游而過之者殆無不知程山有謝子之學

彭朝華程山堂碑記

質

人曾受業於邵弘齋又因謝約齋得遊易堂彭魏二氏之門

謝程山集己酉答吉安鄧勿非書之後有梁份注語云因先生

得遊易堂彭魏二師之門

按髻山七子爲星子宋之盛後改名惕

未有

與同里吳一聖

敬

余晫

卓

查世球

天

查轍

小

夏偉

及門人周祥發講學髻山以節義稱於時宋之盛崇禎己卯舉人其學以明道爲宗以識

仁爲要晚讀胡敬齋居業錄持敬之功益密

丫髻山在縣南四十里形如三台時起雲霧

劉仙真人得道處上有廟祈禱輒應山巔有新民寺

同治星子縣志卷二

山川

髻山當卽丫髻山之簡稱

南康縣治東一里有東華山其北又有鯉山髻山皆當江水下流之口

讀史方輿紀要卷八十八江西

六此髻山卽屬南康縣則決非所稱星子縣之髻山也

清順治五年戊子質人八歲

是年質人友人劉繼莊獻王崑繩源生

清順治六年己丑質人九歲

是年歐陽憲萬斌卒年四十四憲萬爲朱議霧所師事朱議霧卽林確齋

歐陽子名斌元字憲萬號麗峯居士新建人家貧幼奇慧讀書日十行下終身不忘爲諸生受知蔡公懋德侯公峒曾二學使以國士禮之而同邑姜公曰廣清江楊公廷麟尤相推重略中斌元生平師多於友每學一藝卽下拜師事稱弟子必盡得其傳中略丁丑始與樂平王綱南昌彭士望交中略後更交費池方嘉渭句容朱議霧二人皆師事斌元爲門人中略甲申國變總督呂公大器爲南司馬延之同行南都初建時宮府百度草創館閣部寺諸大僚求習知典故者咸推斌元下略己丑幽憂病鬱卒年四十四無後彭朝菴書歐陽子十交贊後

朱議霧庚寅過喜歸來堂哭歐陽憲萬夫子 井井田廬好惟悲人已亡服衰無孺子待養上高堂世誼多兄弟交情重死喪生平未了事終夜起皇皇朱中尉詩

是年熊極峯化殉節極峯爲見可行兆之父養及頤之祖

靜儉堂集凡二十卷清江熊極峯先生所著也中先生年二十六中萬曆進士爲行人十年

略

歷官御史川東道旣國變間關領海己丑當事欲迫見之先生謂其家人曰吾老矣何用復

生斯世爲以腦子密置茶杯中食之不效佯曰趣輿來衆出乘間自投池水水淺救免先生

大怒謂其兒子曰吾死決矣且汝亦知大義者何遲我死也於是閉戶自經中時兵人驛騷

居者無寧字先生文集遂亡其板最後仲子兆行字見購得印本六冊藏於家禱與兆行爲

昆弟交子頤字養更受業於是頓首以書來請曰子爲舉其要而序之中先生諱化葬其贈

公於太極峯因自號極峯而學士大夫皆稱極峯先生云魏叔子靜儉堂文集序

清順治十二年乙未質人十五歲

是年魏昭士世徵生昭士爲魏季子禮之長子

清順治十三年丙申質人十六歲

此二年質人就外傅學舉子業

質人復伯兄書云上略寒門衰祚力學無人心實傷之是以就外傳時輒妄自許必光大吾宗年十五六則視舉子業良不足學第俯首二三年取巍科如芥拾卽位極人臣非異人事下略

懷葛堂文集卷一

質人受業邵弘齋著當在學舉子業以前蓋質人十六歲李草堂已二十七歲草堂幼師弘齋邵夫子長事李先生淑旦學舉子業參看李草堂墓誌銘淑旦名藩南豐人少以制藝名爲謝約齋受業師後欲反師約齋引南大吉師王陽明羅近溪師胡宗德例約齋固辭欲逃入深山乃以其子璧爲託未幾遂卒順治十五年正月李璧奉遺命執贊約齋門下參看謝程山集李先生傳及程山年譜由此可知李淑旦死於順治十五年以前李草堂師事淑旦當更早於其時故質人與草堂同學邵弘齋門牆必不在十六歲以後也

邵睿明字先士明諸生少穎異留心小學性理諸書及長刻意勵行傾產脫兄難出力脫人非罪雖素不遜於己弗計也後山居講學不立門戶以爲道本至公豈容自私以成狹小遂自號弘齋文淳進之以毅睿明應聲曰惟其不弘是以不毅先後受業者至百許人多博通

弘遠士而梁份汪璫其最著者

同治南豐縣志卷二十五人物三

清順治十四年丁酉質人十七歲

是年質人友人朱字綠書生

清順治十六年己亥質人十九歲

清康熙四年質人二十五歲

是年易堂魏叔子髻山宋未有會於程山先後會者近百餘人程山講學此爲最盛

程山年譜

清康熙六年丁未質人二十七歲

質人以家人逋稅繫獄者九年其時約在順治十六年至康熙六年之間

梁份少以家人逋稅繫獄者九年友人曾若武爲饋食得不死

中略

若武有孝行後亦及躬菴

門下略

同治南豐縣志卷二十五人物三

上年十五六則視舉子業良不足學第俯首二三年取巍科如芥拾

中略

不幸罹患難者九年

下略

復伯兄書
懷葛堂文集卷一

綜觀以上兩書所載可知罹患難者九年卽繫於獄中之九年也至其入獄之初當在十七八歲以後故推定質人繫獄之年約在順治十六年至康熙六年之間

清康熙七年戊申質人二十八歲

是年秋宋未有_之卒

謝秋水文祭宋未有先生文 洧自癸巳甲午間已知南康有宋先生隱居講學心竊嚮往

之思一造其廬及後彭躬菴林確齋得交先生洩與先生亦遂通音問乙巳僧石與從先生至程山相見互傾倒時魏叔子教授新城先生以書付石與招至合程山諸子作旬日之聚彼此以學互質訂一時契合之樂自謂有生僅事丙午丁未輒有書牘往還質疑自丁未八月十四得一書論禪者所見淳尙未及復戊申秋遽聞訃鈔附錄山文

清康熙九年庚戌質人三十歲

是年易堂詩人南昌危習生卒年四十七

余嘗謂習生詩在易堂中清絕一往如名山之有溪澗然而五言律其尤工也略習生與叔

子同年生年四十七卒

魏叔子撰
習生遺詩序

魏叔子死於康熙庚申年五十七習生早卒十年故推定卒於康熙庚戌

清康熙十年辛亥質人三十一歲

質人娶謝思退

進

女爲妻約在此年

彭躬菴撰門人梁份四十序

上略

年三十餘始娶婦經數年不一顧

下略

堂文鈔卷七

梁份少以家

人逋稅繫獄者九年

上略

既出蹠弛不爲人所禮獨謝進見而奇之取以女已

同治

南豐縣志

卷二十五人物

三

謝進字思退於謝約齋爲大父行願居門下引王文成待其叔祖克彰例家廟敍叔姪講堂

行師弟子禮約齋不從而進心師之每稱必曰先生

程山年譜

清康熙十二年癸丑質人三十三歲

是年質人始以彭躬菴爲師并卒歲在冠石侍林確齋先生

哭魏勺庭夫子文曰

上略

份事樹廬夫子於今八年

下略
堂文集卷八
樹廬卽彭躬菴之別號

叔子在翠微峯構草堂阻石爲池蓮華滿其中曰勺庭學者因稱爲勺庭先生康熙十九年庚申叔子卒自茲溯算質人師事彭躬菴當在此年

哭確齋先生文曰略上份前後至冠石皆不半載惟癸丑卒歲侍先生其教份之語已備載書冊下略懷舊文集卷八冠石爲金精山諸岩之一金精山在寧都縣西北十五里翠山聯絡延袤四十餘里中有黃竹赤面三塊冠石諸岩蓋史方輿記要卷八林確齋種茶處也

林確齋送梁質人歸南豐詩曰 終年顛覺傷哀樂得汝如逢絲竹音夕柝月明青壁路晨門風入白頭吟孤生自分惟親劍老子何期遂斷金記得坡邊梅樹發停杯相望共苦岑朱中尉詩集林梁之契合於此可見一斑

是年梁器圃卒年四十二

器圃爲北田五子之一生平慕倪雲林之爲人亦師法其畫閉戶讀書足跡不入城市顯者造請輒堅避不肯見或求畫雖甚貧亦壁不一作乙卯彭躬菴入粵而梁器圃則先二年歿矣所謂北田五子者指粵東陳元孝陶苦子何左王何不偕及梁器圃之五隱君也參看彭躬菴題

北田四子序

易堂與北田頗通聲氣魏善伯和公兄弟及彭躬菴輩皆親赴南海訪北田諸子和公與陳元孝尤相傾倒元孝寄題魏和公吾廬詩云今之人才可屈指魏季寧都隱君子獨灑

獨灑堂稿

是年十一月吳三桂舉兵叛清

東華錄
聖武記

清康熙十三年甲寅質人三十四歲

是年吳三桂軍略四川湖南湖北等地

東華錄
聖武記

清康熙十四年乙卯質人三十五歲

是年十二月質人自南豐至寧都金精山冠石謁林確齋先生

乙卯十二月梁質人自南豐至作一兵火縣延千百里草堂忽有故人來乍傳異說愁難信詳載長書怯未開漫道三年牽別緒曾知此語倍離懷老夫家傍金精逕欲問神仙哀不哀

朱中尉詩
集卷四

讀此詩可想見當時兵戈滿地質人馳驅四方幾遭不測之禍而確齋對於質人之關切又

情見乎詞

清康熙十五年丙辰質人三十六歲

是年二月吳三桂將高大傑陷江西吉安未幾大傑死韓大任守之

東華錄

是年二月質人自江西抵長沙爲韓大任乞援於吳三桂三桂留質人觀戰

吳三桂據湖南兵駐松滋久乙丙之間和碩安親王統大兵自江西袁州直趨湖南兵至長沙之東三桂聞穆將軍爲戰將不敢輕敵丙子當係丙辰之誤二月自松滋退軍長沙拒戰梁質人

自江西爲韓非有即轉大任求援三桂之意先敗安王而後援吉安訂於三月初一日合圍留質

人曰汝於壁上觀吾軍容歸以語東方諸豪傑也官山在長沙東南與瀏陽相值安親王軍長沙東官山之後三桂軍長沙西連營岳麓山瓦數十里軍容之盛近古未有也三桂欲自與安親王決戰諸將苦諫而止皆誓死以戰三桂坐瀏陽門樓質人以三桂命立城上安親王發兵十九路自城北鐵佛寺後布陣至城之西南長數十里三桂亦發兵十九路以應之將軍王緒先陷陣清兵合圍之數重旗幟盡偃金鼓無聲城上人盡失色以爲此軍全沒矣

少頃聞交鎗連發如急鼓清兵紛紛墮騎王緒軍衝突無前莫有擣其鋒者深入敵境獲全勝而返僞將軍吳應貴者三桂之姪也搏戰爲流矢所中貫腮墮馬夏國相力戰救之而歸穆將軍追至城下三桂於近城設伏以防巨象伏岡下敵至起而衝之清兵披靡而走交鋒者凡三路馬寶軍大捷餘殺傷略相當呼聲動天地血戰至日中天忽大雨交鎗不得聞各斂軍而退三桂初意氣吞官山先發十九路餘軍駐岳麓留爲更番地不勝則後軍繼之必平官山而後已及見應貴傷復值大雨爲之奪氣曰天意不測遂入城而守清兵亦掘濠不復出未幾應貴死劉繼莊廣陽雜記卷二

是年八月封位齋津卒 位齋程山謝約齋之門人

質人撰封位齋先生墓誌銘上先生崇禎十四年補博士弟子又十二年貢成均又八年壬寅年四十有二舉丈夫子若而人執經門下若而人交易堂海內名下士若而人一旦執贊素所友善之謝先生約齋類首稱弟子與甘健齋京黃維緝熙曾美公曰都諸先生同堂合席自以理學任君子以是推先生過人者大矣中丙辰八月朔日終正寢距生天啓辛酉年

年五十有六

下略
堂文集卷七

清康熙十六年丁巳質人三十七歲

是年四月吉安韓大任潰圍走合土寇竄踞江西各地當事屬魏善伯招撫事不成十月大任拔營降閩軍善伯遂遇害

魏祥字善伯以萬曆庚申六月二十有四日生十七補弟子員爲郡守所厄改名際瑞丁巳四月吉安韓大任潰圍走凡兩竄寧都之上鄉兵寇十萬還至蹂躪甚邑饋餉不支當事議招撫久未就而大任自言非魏伯子吾不信也當事以屬伯伯旣痛桑梓之禍無有窮期又所聞大任爲當世豪亦欲有以全之遂慨然行八月甫至江西兵遽從東路逼大任營大任遂疑伯賣已辭不見又有奸人欲牽率大任降閩軍以自成功名者遂日夜構於大任大任旣敗十月十四日拔營走降閩伯遂遇害年五十又八

魏叔子撰
子墓誌銘

是年三月二十六日質人外舅謝退思

進
死於賊

質人祭族子源文

上略
余外父謝退思死於賊蓋丁巳三月二十六汝今死亦同是月日余於

外父初不知賊爲何人既獲賊以祭然後權厝於樂安三華山

下略 傅葛堂文集卷八

南豐縣志明末進嘗從安恪王舉兵以軍法殺人康熙乙卯其子從耿逆爲賊遇進樂安殺之份聞變卽奮往殺盜剝其心肝祭畢而後殮進

同治南豐縣志卷二十五人物三

按康熙乙卯其子從耿逆爲賊是指怨家之子從耿逆爲賊之時而言之謝進遇害年月日

應依據質人祭族子源文

魏敬士送梁質人歸南豐序云

下略

梁君自甲寅後奔走驅驅於四方過家門不得入者且四

五年又何能更至翠微相與論交乎

上略 魏敬士文集卷三

可知此四五年之間質人奔走四方國而

忘家其爲韓大任乞援猶志在光復也

清康熙十七年戊午質人三十八歲

是年正月韓大任以一萬餘人降康親王傑書軍八月吳三桂死於衡州

東華錄

是年八月林確齋卒年六十一

奉國中尉朱議冕字用霖父統鑛中崇禎丁丑進士知江夏縣

中

江夏公旣卒於官惟官同

年生某攝府印與公有怨牒取公修城費十數萬金籍相對勘而老胥憾公父子盡匿諸籍大索不可得中尉同公門人邑諸生張若仲及弟議渠日夜窮思所出入條記合算較原數十數萬金無少差另冊報老胥及推官見之大驚以爲神江夏公柩乃得還南昌而中尉自是得嘔血疾數十年且瘳且作以至於死中尉性豪邁敢大言見天下將亂專意結客招致方外異人冀他日爲國家用江夏公命師事太僕段公然海內所推三異人段其一也中略張若仲負奇才精擊刺中尉與爲兄弟交得其技僧辨文道士張遠初深沉有大略中尉皆委心交之中略更師事新建歐陽先生斌元友南昌彭士望胡以寧樂平王綱福清林全春廣濟舒益其乙酉左良玉破九江金聲桓入南昌中尉彭士望兩人中略立挈妻子走建昌士望至寧都見寧都魏禧立談定交遂同中尉往依焉與諸子結廬金精之翠微峯講易讀史爲易堂凡八九人中略及遷寧都士望嘗遊四方中尉以病多家居並督二家事旣日貧中尉曰不力耕不得食也率妻子徙冠石種茶長子楫孫通家子弟任安世任瑞吳正名皆負擔親鉏畚手爬蠶土以力作夜則課之讀通鑑學詩間射獵除田豕有自外過冠石者見圃間三

四少年頭著一幅布赤脚揮鉏朗然歌出金石聲皆竊歎以爲古圖畫不是過也中略晚又好禪嘗素食持經咒尤嚴毅生戒中略戊午八月復病嘔血死年六十一下略死之日士望阻於楚唯魏禧彭任親舉屍入棺含殮焉魏禧曰中尉來寧都時年二十有八予與季禮方壯並願爲中尉死也中尉更姓林字確齋所製茶高妙遠近名曰林茶工二王草法詩於杜爲別出人咸推服之然求書者中尉率書古人詩也楫孫負志氣力作先中尉卒幼子東孫士望女夫也以謹愿稱魏叔子朱中尉傳

質人哭確齋先生文曰

上略

份竊謂人生天地百年之內得一二知己死且無憾份所中心誠

服而最受知者四人耳中略

下略

今樹廬夫子遠出而未歸先生與弘齋夫子釋大方師皆舍我而

去世之知我者盡矣份何知有人世之樂乎昔弘齋夫子嘗問冠石何以待子份以樹廬夫

子嚴父確齋先生慈母爲對而恕份所知取份所長於有過中而諒其無他者惟先生一人

耳中略已矣自今以往份之心誰復知之份之所爲誰教誨之份有過而誰救之是天非死我

先生而死份也下略

堂文集卷八

彭躬菴撰門人梁份四十序曰上略林先生卒生走三百里饑不

入門獨身走墓上哭之殞絕踰時蘇無一人知者下略堂文鈔卷七
林確齋愛護質人如慈母而質人痛哭確齋如孝子兩賢風義殊非今人所能企及

釋大方師者姓李名琪字共玉南豐人明諸生種學積行爲人篤摯少文與人交無貌言後棄青衿皈依廣濟爲弟子名圓智字大方痛通濟橋壞矢募建與大力日立大有關前向人稱說布施功德人爭踊躍投錢夜則與大有共論宗乘又嘗參學遠方喜言三教合一林確齋聞之大方終是其說而憂確齋病特甚方募橋時大方垂七十視諸少年僧相繼死竟攻苦茹淡勞跋涉募資終橋事所存雜著一帙大約依於忠孝建昌府志雜類志卷十之一仙釋

是年夏秋與客冬質人來往於寧都南豐之間

舊冬來冠石中略今夏將歸中略份歸不二月再至至不三日而歸誰知一月之內先生竟奄然長逝乎哭確齋先生文

清康熙十八年己未質人三十九歲

是年春質人至寧都易堂又以古文辭遊四方

魏敬士送梁質人歸南豐序上略己未春梁君再至翠微家先生相與談晝夜遂邀訓予弟姪

於山中欲令其徙妻子而居焉下略魏敬士文集卷三

質人撰揭諱然文集序上略己未余以古文辭遊四方中略余十年中紓迴數萬里閱人多與物無競下略懷葛堂文集卷二所謂十年中者是指壬申與揭諱然遇於鄂渚之年卽作序之年以前之十年而言質人於康熙癸亥之後馳驅關中塞上又遊京師及楚南楚北所經道路誠可謂紓迴數萬里矣

內藤譜謂是歲己以前之質人生活得以推測是誤解文義

是年九月易堂邱邦士維屏卒年六十六

邱邦士爲易堂九子之一寧都河東人禧之姊婿也中略所著易勦說易數歷書高三尺許皆垂成未竟中略甲申後棄諸生服同諸子隱翠微山中中略己未九月病噎不食死年六十六魏敬士文集卷三

維屏傳
子撰邱

清康熙十九年庚申質人四十歲

是年春質人以彭躬菴之命從魏叔子出遊且爲其門人

份事樹廬夫子於今八年視份猶子今年春更命從夫子出遊且爲其門人

哭魏勺庭
夫子文

質人從叔子遊無錫主秦對巖松館舍

歲庚申份從叔子魏夫子遊錫山主諭德秦太翁先生昆玉之館舍

送丁酉典試秦太史序懷葛堂文集卷三

按秦太翁卽秦松齡字對巖弱冠中順治十二年進士康熙十八年舉博學鴻儒官至左諭德其弟松岱字燈巖潛心陽明之學亦有聲於時其子道然字維生年五十二中康熙四十年進士官至禮科給事中

是年十一月十七日叔子從無錫赴維揚故人約舟至儀真忽發心氣病一夕卒年五十七時

質人從行

魏季子撰先叔兄紀略云

上略

先生諱禧字寔叔號裕齋欲自進於寬裕也宗派曰際昌丁喪

亂屏居翠微峯門前有池顏其庭曰勺庭學者稱勺庭先生叔子集行於世又稱魏叔子云先徵君生五子其二夭故以伯叔季行先生爲人形幹修頤目光奕奕射人少辱善病參尤不去口性秉仁孝寬以接物不記人之過與人以誠雖受給怡如也誘進後學惟恐弗及

然多奇氣論事每縱橫雄傑倒注不窮事會盤錯指畫灼有經緯思患豫防見幾於蚤懸策而後驗者十嘗七八義之所在卽攬禍患勿少恤中先生兒時不樂嬉戲同學生或出外遊閒先生獨勤業不輟嘗嗜古論史斬斬見識議十一歲補邑弟子冠其曹中迨甲申流賊陷京師天子死於社稷先生聞輒號慟日往公庭哭食不甘味寢不安席謀與曾公應遴起義兵勤王先徵君亦慷慨破產助之而李自成旋殄滅遂不果先生故善病謝棄諸生服隱居山中歲惟清明祭祀一入城而已因屏去時藝專古學教授弟子著錄者數百人方流寇之初熾也是時承平日久人不知亂且謂寇遠難逮及先生獨憂之尋山石結砦以衛家室經營措注皆有成法邑人倣效之得免寇擾之難時年二十一也而南昌彭躬菴士望亦於是歲來初予鄉人有主躬菴家者躬菴嘗語天下將大亂吾欲得遺種處予鄉人曰則莫若吾寧都矣山砦可居田宅奴婢我能給也躬菴果至主其家實吾鄰並躬菴日日從門外過予兄弟嘗目送之相語曰若人風度似不凡者然何以主是翼日躬菴復經過予兄弟遂下階揖躬菴曰子何爲者躬菴語以故且曰爲若人所給吾已移室至建昌矣將安適曰能過吾

館舍談乎曰甚善遂相與縱談達明躬菴慨然曰子兄弟可以託家矣於是躬菴遂急行逆其家人數步復返曰將與一好友攜僂俱來何如曰甚善至則林確齋時益也躬菴舟至河干先生方饑而喜極裸雙袖水濡濡滴鬚髮走逆之延住於家後相與入翠微如一父之子蓋所謂易堂者也中略嘗出遊思廣接天下人物東南君子無不徧交之聞有隱逸道德士則崎嶇山水造訪請益而四方聞風趨赴者亦駢駢輒諸君子咸謂先生有古宰相才度惜乎齋志以沒也然所著左傳經世亦足徵其用矣中略戊辰嚴公沈余公國柱李公宗孔薦舉博學宏詞累徵以病辭未就庚申十一月十七日從無錫赴維揚故人約舟至儀真忽發心氣病一夕卒時門人梁份從行遠近友人咸走哭於殯所而常熟顧景范祖禹獨先至祖禹少先生七歲先生與爲兄弟交比易堂其未能至者則於先生昔經遊處設位而祭海內士識與不識莫不惋惜焉生於明天啓甲子正月十三日享年五十有七嫂謝氏聞喪勺飲不入口絕食十三日死繼禮之幼子世侃爲嗣中略所著有古文集二十二卷目錄三卷詩八卷二集若干篇左傳經世若干篇梓其半皆行於世下略

質人哭魏勺庭夫子文云門人梁份捧新刻夫子詩文集陳柩前躋踊而哭曰份奉命較讎有成功矣乃夫子遽至是耶夫子固善病昨僕夫自真州至暮叩門心動從門間問夫子安然後啓而納之書中亦言體大健以是份留數日待此集之成惡知二日內而病病而如是哉申略夫子生平事功無從表見其發爲文字蓋時命之不猶然傳天下而垂後世必有讀其書想見其人者昔夫子居廬陵萬山中份揭衣水行日夜百十里就區畫大事其後成敗不失鎔黍此惟份知之而未嘗與人言者意將見諸行事使蒼生實被其澤而夫子亦因以不朽天乎何當斯時而不假以年不得行其志則豈一人之不幸哉下略

讀此文卽知魏叔子之學初以經世致用爲主因遭逢不偶乃發爲文章叔子亦自言曰讀書不足經世則雖外極博綜內析秋毫與未嘗讀書同左傳經世自序質人學術行誼頗類叔子故叔子謂質人可以傳吾學者也

清康熙三十年辛酉質人四十二歲

是年質人過鹿渚訪明遺老熊見可行留旬日

份三過鹿渚皆匆匆去獨辛酉留旬日

見熊見可先生哀辭
懷葛堂文集卷八

按熊見可爲江西臨江府清江縣人

清江縣志有熊見可列傳魏叔子

鹿渚爲清江縣之鎮

名見讀史方輿紀要
卷八十七江西五

內藤譜謂鹿渚在河南歸德府鹿邑縣并云見可爲河南鹿邑縣人

見

後質人之交遊讀史方輿
史遺錄二六八頁以河南之鹿邑視爲清江之鹿渚可謂謬妄夫魏叔子文集及讀史方輿

紀要皆尋常習見之書而內藤博士竟未細讀豈不怪哉

是年謝約齋

文

卒年六十七

清康熙二十一年壬戌質人四十二歲

是年質人西行十一月熊見可行

兆卒年七十有二

魏季子撰熊君見可墓誌銘云予兄弟於清江稱石交者祝仲立應鼇熊君見可黃嘉卿尚
賓而君與君長子頤爲尤篤其始交也由南昌彭躬菴士望

中

按君諱兆行字見可晚號陶

略生父諱化萬曆辛丑進士由御史歷官吏部右侍郎以節介稱既殉難諡文毅

中崇禎略

甲申流賊李自成陷京師烈皇帝身殉社稷乙酉南京陷楊文正公廷麟舉義贛州而鄭芝

龍援立隆武帝於福州君遂從文毅公入閩以資格知邵武縣事時浙江不守邵武密邇西
省羽檄交馳過師絡繹不絕案牘山積君處之裕如時巡徼關隘以備非常邑之東鄉民勇
敢可用而縣丞某者有幹略因令持縣檄諭其豪以保甲寓軍政鼓以賞罰激以忠義未幾
杉關失守延平破鎮將宵遁潛師過邵有總兵袁某者繼至君就見留之袁曰師無鬪志軍
無見糧其何能戰君聲色俱厲折箭與之期曰士死綏吏死職分也何敢以敵遺君父憂但
前行二十里令當操糧至以聽軍令袁爲感泣還師君疾歸密語丞曰亟往率東鄉兵疾驅
至隘口爲伏俟敵半度橫擊其中堅大軍遮其前可破而走也於是袁師行甫十里君單騎
輦糧至一軍歎呼未及光澤十里與敵遇君親犯矢石甫接戰敵陣自亂遂大敗出關去是
役也東鄉兵之力爲多事具邸報中捷聞帝勞之曰熊兆行有膽有力奮不顧身以殲厥強
敵克復危疆武臣豈不媿死擬從軍功優擢但嚴關正需撫馭著授兵部職方司主事仍理
縣事當是時鄭氏特援立功矯虔自恣拒諫以失事機文毅公官少宰言不聽遂告病就養
於邵而清師亦破仙霞關從上游入福州矣帝幸延平君乃奉父間道趨行在所中途遇盜

君徒手與格僅以身免乃復返邵邵之父老涕泣擁肩輿轉致窮山中更相護匿父子卒得全以歸於是屏跡窮源與文毅公別塢而居一以詩文寄其悲怨己丑文毅公殉義當事索賄求益深君安之曰死晚矣復何憾既知爲廉吏也事遂解因挈家遁避以養老母焉文毅公生四子君其仲也幼遲鈍撫捷多力嘗登危樓欄楯上行往來不墜年十七忽聰慧一歲通經義試輒冠其曹二十八中崇禎乙亥拔貢出李公若愚門方是時天子以四海多故國學者祖宗儲材之地也爰命京省學臣拔異才以收異效其試格一如鄉試場例君隨計偕上入國學文益雄傑祭酒許公士柔奇之置第一人歸益潛心經史八家之文而文毅公亦以建議忤柄臣引歸君見邦國多難流賊內訌陰結敢死士習騎射思以身捍牧圉不數年而有京師之變初老母疾病醫者束手君遂精於醫後亦嘗以醫藥往來鹿渚間先是禮兄弟嘗聞祝仲立及君於吾易堂彭躬菴心慕悅之壬寅予叔子禧南下君與頤自山中出相見頤深冠方袍矯矯持高節叔子與爲羣紀交因進頤以閱歷致用之權頤遂貶服毀容遊四方甲辰來易堂於叔子稱門弟子中辛酉秋頤扶叔子櫬自易堂歸壽州總戎黃公燕贊

以書幣迎君曰吾聞黃頤饒作略汝父尙健飯兒行勉之既而黃有甘肅之移頤以親老薦
梁質人份君手書勉份辭義甚壯彌月誤用針石遂咯血不止病未三月卒時壬戌十一月
十一日也君生明萬曆庚戌年十一月十九日享年七十有一所著有靜適軒集復吟草痘
診約言醫略藏於家病革惟以文毅公靜儉堂集未續刻份西行爲念云頤泣請遺言不答

徐引頤手誦家祭母忘告乃翁二語而瞑當隆武時君令邵武文正公起義贛州城屠公冠
帶死清水塘顏色如生郡將賈熊壅之西郊黃尙賓爲太僕卿駐寧都皆清江人而彭士望
亦監司湖東及寧都城破士望傾資贖文正公之孤歸養焉而李公若愚許公士柔則先殉
義於北而祝應鼈與子兄及禮則皆伏處山中未出也

下略
魏季子集卷十四

質人撰熊見可先生哀辭云上略先生崇禎恩貢生也令建寧遭時不可爲艱難百折轉餉入
援卒無救於國運生平負氣節乃白髮卷然廢放詩酒間被服古衣冠賣藥市上更交節義
質豪士而數十年間沉淪死喪不可紀極而先生亦費志以沒中略先生每以大義屬後生尤
自許爲楚丘且能投石而超距志氣之盛可謂老而益壯矣惡知天之必欲泯滅先生哉份

聞訃哀不自勝又恐頤不克節哀作哀辭以抑情以慰頤

下略
堂文集卷八
懷葛

讀魏季子所撰熊見可墓誌銘則知見可之經濟氣節及與易堂彭魏之交誼又知質人因養及推薦於總戎黃燕贊始得徧遊秦塞劉繼莊云梁質人留心邊事已久遼人王定山

王係黃字之說

諱燕贊爲河西靖逆侯張勇中軍與質老相與甚深質人因之徧歷河西地河西番夷雜沓靖逆以足病諸事皆中軍主之故得悉其山川險要部落遊牧暨其強弱多寡離合之情皆洞如觀火矣著爲一書凡數十卷曰西陲今略廣陽雜記然則質人著西陲今略得力於黃定山甚大若非熊養及紹介則質人卽不能獲此機會而其父見可先生復手書勸勉至病革猶以質人西行爲念可謂質人之知己宜乎質人聞訃哀不自勝也

清康熙二十二年癸亥質人四十三歲

是歲彭躬菴

上

卒年七十四

躬菴少負大志周旋名公鉅卿間立義聲於天下其後或蹶或起中遇事感慨激昂連類旁

及輒轢古今呼捨天地而不能自忍

下略
彭躬菴文集序
魏叔子撰

躬菴之學以王陽明羅念菴爲宗其與程山謝約齋書曰_上陽明先生本堯舜惟精惟一括之爲致良知體用完備愚智同歸乃聖學嫡脈然俱從萬死一生得來非可倖至_中略其徒之賢者徐曰仁冀惟乾鑿又皆早歿獨令王畿假大蓋之年鼓如簧之舌以依知解爲致良知一時士大夫之無識者喜其圓融以爲易簡內足以濟其苟且沉溺之私靡然從風傾煽海內獨念菴以私淑起而闊距救之以充養振之以峻潔著異端論良知辨以譏切之_下略

又與醫山宋未有書曰_上略前奉教謂良知不過是非之心乃四端之一未可以日光爲天而念菴以打坐爲撒手法覺此心超然居萬物先則又似鏡光之於日光_中略竊嘗謂從陽明念菴二先生之書以仰溯周程朱陸諸先生之學其源蓋無不同者_下略

躬菴對於門弟子最歎賞質人其所撰門人梁份四十序云_上余門下生之患難坎麤艱危誰有如梁生之甚而生之志則益堅氣益銳持大義雖百折九死曾不挫其毫末此其人所

易及哉_下略

略文鈔卷七

清康熙二十三年甲子質人四十四歲

是年四月甘肅提督侯爵張勇卒

少傅靖逆侯張公勇者字飛熊陝西漢中洋縣人幼孤落拓有大度遭亂從軍騎射冠時初謁英王於楚王大奇之當是時關中麤定伏莽負嵎者所在充物王與公語譜其山川物俗甚悉乃趣公西歸見重督府孟公喬芳破巨盜賀珍解城圍轉戰南北山間股被數創名大著以散官守耀州既而超長右轄順治五年回紇叛從孟西征復臨洮府及蘭州涼州甘肅諸衛率先登河西平公功獨最特授甘肅總兵十二年疏請南征十三年冬取滇黔命爲右翼提督康熙元年進雲南通省提督二年秋玉門勿靖詔以見銜移甘甘有提帥自公始云二十三年四月病歿李天生撰靖逆侯張公傳
續刻受祺堂文集卷一

周中孚鄭堂讀書記卷二十一載有張襄壯奏疏六卷作張勇
咸寧人

清康熙二十五年丙寅質人四十六歲

是年明遺老寧化李元仲魏季子集卒年八十五元仲與彭躬菴同遊黃道周之門著有寒支集茲錄其答易堂彭李二氏書及律詩兩首誦其詩讀其文即可想見其人

答彭躬菴書云昔張駿表晉帝北伐其言曰虎期繼道兆庶離主漸冉經世先老消落後生慕戀之心日遠日亡痛哉言也今國變以來曾幾何日蓋有儼然先老蒙面讐言美叛帥爲乘項就劉指正朔爲趙佗吳濟者矣豈俟日遠乃漸忘乎再答李咸齋書云歎運歷之變自書史以來僅二三見而吾輩適遭之避地同塵都無是處忍死而已

寒支初集卷六

別巫日如十年意外相值話次因索棋感賦二章錄
哀矣無能共逐塵項秦還未了殘棋
每因慟哭糊青眼未忍猖狂斷老皮報國惟文堪大笑
憶十年前予刻思報國恩獨惟文許
予言不能討賊祇合一死日如亦晒之當年獨有空山在耐聽秋墳唱鮑詩
續印帖印帖者曾子弗懷予之詩也 懈除文字向枯禪爲僧余已死去生來等坐眠偶然抗節字文謹僧名事
梁元帝染亡出家字文謹
梁元帝染亡出家字文謹郤笑留衣僧大顛謝枋得北行劉洞送以寒衣不受詩云
范叔織袍雖見意大顛衣服莫留行一代才如花頃刻千辛咀到蜜中邊心期零落餘孤調舉似何人解絕絃

寒支初集卷二

清康熙二十七年戊辰質人四十八歲

是年質人客金州爲李筠菴刺史序有美堂集又爲劉體元廣文序一硯齋集金州爲陝西興安府之古名

有美堂集筠菴李先生所著也先生刺金州於今六載歲戊辰祛橐付梓氏成份讀未卒業
作而歎曰何先生之才之學之心大遠乎今之人耶中略金州在秦嶺南介乎楚蜀千里間崇
山荒谷虎豹多居民鮮少水火災殲屠戮相仍於數十年間土宇凋殘不可謂不極今觀於
州民物安阜熙洽之風媲美於前代其誰爲之耶中略先生治行在芷陽時爲天下最於金州
旣循良如是矣中略份知先生政事文章之大者方自此始請序焉未有艾也有美堂集序

二

余客金州與劉子體元雅厚善已而出詩文相示久益交親已而齒雁行於今四載中略劉子
故世家子爲諸生爲鄉進士需次爲廣文中略工真草書作詩文爲名下士中略藏弆一硯以名
其齋且以名集下略一硯齋集序

按李筠菴名翔鳳遼東人自咸寧令擢守興安清初仍明制興安爲直隸乾隆中舉沅奏升爲府在任七年康熙二十二年到任至二十九王廷接替劉應秋撰李公祠碑記云筠菴夫子自芝陽侯擢守魏興異數也下略參看乾隆興

芝陽卽咸寧之別稱咸寧爲西安府之附郭在府治東府東三十里有霸陵城春秋時秦繆公築霸宮於此昭襄王時謂之芷陽宮秦紀云秦襄王葬芷陽謂之霸上其後漢文帝起陵邑於此因更名霸陵讀史方輿紀要卷五十三興安州曹魏稱魏興郡晉宋齊因之西魏稱金州唐乾

元初復曰金州宋元明因之萬曆十一年改曰興安州

讀史方輿紀要卷五十六

筠菴爲當時循吏關中李天生因寫極推重之天生有贈筠菴之詩題曰筠菴自咸寧擢興安

刺史喜賦長篇仙李百萬葉結根通芳甸使君遼海枝敎敍帝京彥雙鳥辭彤雲舊都領

亦縣鳴珂自東來到處觀者羨二十微有餘春華照顏面聰明表莊臨事事如宿練中略司牧

首芷陽接塵蒙佳選更番裏糧徒每唱諸屬先中略辛勤濟世才屢以循良薦翻訢嘉績垂未

乘要衝便上庸擢蹇帷荒郡須手繕下略詩集卷二十五

按劉體元疑卽撰李筠菴碑記之劉應秋也應秋與質人同時又籍隸興安似可信者一

府志卷二十六修仁壽橋碑記下署候選訓導郡人劉應秋與質人所稱需次廣文合似可信者二府志卷十九選舉志下貢生一項有劉應秋名與質人所稱鄉進士合似可信者

三

劉繼莊謂質人著西陲今略歷六年之久寒暑無間其書始成廣陽
雜記質人西行在康熙二十二年秋參看魏季子撰以六年計算成書恰在二十七年此六年之間想質人未離秦塞其
在金州爲李筠菴序有美堂集亦歲在戊辰並可引爲旁證又寄李乃颺詩云秦川六載共
悲秋飄泊依人塞上遊其在秦塞六年更無疑義內藤譜謂自康熙二十年魏叔子卒至二
十五年劉繼莊入燕是卽質人第一次在河西之時似有錯誤蓋質人西行是二十一年而
非二十年此錯誤一質人離河西應在二十七年而非二十五年此錯誤二內藤譜又於康
熙二十六年條下引廣陽雜記是歲劉繼莊獻庭由吳入都以爲前在都中卽見此稿是在
斯年殊不知此時質人尙在河西繼莊安得而見其稿耶

是年質人爲星子查小蘇輒作查氏重修族譜序又爲方士琯作節母汪太君墓表士琯之祖母並
方母徐孺人墓表士琯之妻此時質人已由秦中回江西

查氏重修族譜序之後附查小蘇自記云上略塞族之譜如聚訟然新舊序言頗多各成一篇

文字而止莫有爲之剖決者中略轍任纂修自丙辰康熙十五年至今十二年未敢執一自信

得質老縱談旬日剖析疑義此序發明大禮義正辭嚴下略堂文集原刻本見懷萬

節母汪太君墓表云節母以清順治丙申年六月六日卒越三十有二年士琯等始克以康熙戊辰十一月十五日葬於大塢尖之唐由清江熊頤爲誌銘新城黃光會有記份於二子

學同師士琯交份且久請表其墓上之石下略國萬

方母徐孺人墓表云份旣表節母並書孺人之墓石懷萬堂文集卷七

清康熙二十八年己巳質人四十九歲

是年秋質人在京師

廣陽雜記云前在都中余見其稿中略辛未之春余與質人遇於星沙狹路而其書在簏別來一載又半質人亦鹿鹿道途未嘗改訂一字由此推得己巳年秋質人在京原書辛未作壬申當係傳抄之誤

清康熙二十九年庚午質人五十歲

是年夏質人與黃復菴同客衡州同知茹紫庭處

質人黃復菴六十序云上

略

庚午之夏君客余媚茹紫庭所與余同飲食居處浹旬日

萬堂文集卷

三 李雪木南遊草序云庚午九月茹司馬紫庭約遊南嶽下

略

可知庚午之夏質人與黃復菴

同客茹紫庭處紫庭方爲衡州同知時也

黃復菴新安人家於吳幼讀書識大義不習舉子業豪邁喜賓客走馬擊劍嶽嶽然當仁不让爲識者所重甲寅逆藩耿精忠叛君與耿有舊爲仇家陷繫獄者十有四年乃家破而君

之學益進

王峴繩撰黃復菴隱君六十
序 居業堂文集卷十六

茹紫庭名儀鳳宛平人通判西安府茹珍之仲子也少從宦西安就外傳輒恥章句學學經史務求大意識者器之尋以上舍生謁選輒以澄清天下任比宰岐山佐郡衡州守景東楚雄廣南府副使肅州初令岐山也關中李中孚顥李雪木柏講理學李天生因篤擅長詩則晉接館餐如宓子賤之宰單父任衡州則燕之劉繼莊獻庭江右劉元叔廷獻蜀劉忠嗣羽逖後先至禮遇三劉者不異三李君子以是多公能禮賢其次子桐娶質人長女故質人稱

之爲余媿茹紫庭云

參看實人撰
茹公墓誌銘

關中三李對於茹紫庭亦推許備至茲節錄其詩文如左

李中孚答岐山茹明府云上略憶昔承願竊見丰姿秀出議論英發私心以爲器識過人及宰岐下遙聞理煩治劇游刃有餘私心以爲政事過人不謂究極學術洞悉內外本末之分見

地亦復過人偶爾折衷便足千古

下略二曲
集卷十七

李雪木寄茹明府紫庭云上略以明府之才之學之品卽在南海北海東海西海無往不合下略再寄茹公云寒山枯木自分斷在溝中明府薰以南風膏以春雨不覺淳淳然生氣復萌矣

下略
葉集卷三

壬戌九月過岐茹明府署中邂逅諸友爲十日飲予將還山詩以別之 四明毛石臺而爲五陵客頭放二丈篋胸藏萬斛血河東許子秀西遊秦冀闕沾酒咸陽市昂頭如火熱華山王巒功老面冷於鐵結髮將三軍勇氣江河決主人燕趙市慷慨延豪傑築臺岐山下日與鄒郭接劍履無珠玉賓客亦怡悅柏也披裘人鮮臍兼嗟拙長揖謝我友而臥太白雲下略
葉集卷三

三 讀此詩卽知茹庭署中賓客之盛及今岐山之時期

李天生撰茹明府紫庭初度序云初予旅食青門所與遊凡數子詩酒爲嘉會而所夕過逢好學深思心知其故者紫庭明府一人而已

下略
祺堂文集卷二

春日岐山詣茹明府紫庭感

舊述懷賦近體詩十首

錄一

浪跡青門涕淚斑從君每一破愁顏狂呼憶醉藩亭酒穩臥仍

看郡舍山長許悲歌同漢苑更攜懸弔出秦關別來鳬鳥勞方劇猶得平原十日閒

原注使君起

澤僚遷別駕予卽從明府遊
受祺堂詩集卷二十六

劉繼莊亦極推崇茹紫庭其言云與紫庭談諸葛孔明之出祁山屯兵五丈原之失歎陳壽論孔明分寸不失觀場矮人未可與論古今也紫庭見解超卓迥出倫類天下不多見也

廣陽

清康熙三十年辛未質人五十一歲

是年春劉繼莊遇質人於長沙借錄西陲今略

梁質人留心邊事已久遼人黃

原本誤
刑爲王

定山諱燕贊爲河西靖逆侯張勇中軍與質老相與

甚深質人因之徧歷河西地略中著爲一書凡數十卷曰西陲今略略中前在都中余見其稿果有用之奇書也方輿之學自有專家近時若顧景范之方輿紀要亦爲千古絕作然詳於古而略於今以之讀史固大資識力而求今日之情形尚須歷練也此書雖止西北一隅然今日之要務孰有更過於此者在都門匆匆袞袞無片刻之暇不得錄一通爲恨蓋其書規模雖定尙未脫稿塗乙改竄滿紙須余自錄不可假手他人也中略辛未之春原書作壬申則反二字之誤刊必出於辛未余與質人遇於星沙狹路相逢而其書在籤別來一載有半質人亦鹿鹿道途未嘗改訂一字余留星沙尙有旬餘趁此光陰夜以繼日了此一願則河西五郡卽爲我囊中物矣書凡五冊冊各百餘紙共計五百餘紙思欲節其繁文撮其綱要然不敢太略亦不下四百餘紙乃縮爲蠅頭小草草成形一紙可括其三四紙不過百餘紙耳遂奮然下筆與日競先後焚膏以繼之經始於辛未二月初一日至二十二日近疆夷地暨諸夷小傳皆錄畢矣尙有一冊乃西域諸遠國及籌邊方略皆質人未定稿也此則俟之異日縱有餘力亦不必寫而余全書已成全璧樂何如之廣陽雜記

是年質人送王都督擎庵之遵義序作於寧都

歲辛未都督王公擎庵實往鎮其地寧都之薦紳士庶咸德公不忍去競爲詩文以祖餞余

僑居久聞其歌甚悉下略送王都督之遵義序懷葛堂文集卷三

是年王汲公潔卒年五十五汲公爲崑繩之兄會爲馬宛斯參訂繹史

王崑繩撰先兄汲公行實居崇堂文集卷十七

清康熙三十一年壬申質人五十二歲

是年春質人楚遊倦歸道出鄂渚序揭韓然文集見揭韓然文集序客鄂渚時與潘東柳四兄弟相周

旋東柳晦跡江臯亦隱君子也見潘東柳八十序

懷葛堂文集卷三

是年質人入秦

壬申張觀察魯庵霖承制府命迓余至秦見酬貞劉靜玉序

懷葛堂文集卷五

按康熙三十一年川陝總督爲葛思泰滿洲鑲黃旗人東華錄

是年顧景范祖禹卒年六十二

魏季子撰先叔兄紀略謂祖禹少先生指其先叔兄七歲按魏禧生明天啓四年甲子祖禹少七

歲則生於明崇禎四年辛未 無錫縣志卷三十謂祖禹卒年六十二當爲康熙三十一年

壬申三續疑年錄謂祖禹卒於康熙十九年庚申年五十七誤

易堂魏叔子禧極推許景范之人品學問景范事叔子亦如弟之事兄

寧郡魏禧客吳門見方輿紀要奇之曰此古今絕無而僅有之書也旣交其人深沉廉介可

屬大事下略 魏叔子撰

頤耕石墓誌銘

景范少魏叔子數歲以兄事叔子爲之執繖捧溺器居然與昆弟相似爲人廉介僅有妻與
子子負薪身授徒無錫華氏當事聞其名羅致終不可得見真異人也彭躬華與陳元孝詩

清康熙三十二年癸酉質人五十三歲

是年質人居陝西張觀察魯庵幕中因徧交達官及諸名下士冬遊榆林縱覽河套道經甘泉
告縣令田啓盛修復泉水

份至秦與居停張觀察相得甚歡因得徧交達官及諸名下士頃一遊榆林縱覽河套地增

益所不知與熊季感書

雕陰上郡閒邑有以甘泉名者歲癸酉余以事之榆林經其地上時維隆冬水澤堅冰雪彌山谷飲水而甘因問泉所在邑耆老曰在城西南五里許伏荆榛沙礫中今涓涓然牛涔矣余悵然太息久之中略少遷進守土詔之曰邑以泉名邑方興而泉伏榛蕪沙礫間涓涓然若牛涔可乎今既安集其人民矣是泉之修復豈三人任守土曰敬諾明年秋以修復聞中略甘泉令姓田名啓盛者也修復甘泉碑記

鶴鳴堂文集卷四

是年十一月王克承世卒年八十一克承爲崑繩之父仕崇禎朝國亡變服爲僧痛野史載烈皇帝多誣罔爲崇禎遺錄一卷居業堂文集

清康熙三十三年甲戌質人五十四歲

是年春初質人得張魯菴治裝費百金始由長安啓程自河州西寧莊浪涼州甘州肅州折而東南至靖遠寧夏而止七月杪返長安遂完成十年前記述未竟之書魯菴又以其所著可信今傳後召梓人付之剞劂斯卽質人最有名之著作西陲今略是也此行取道枹罕遇吳其矩贈之以序吳亦彭躬菴之門人又爲質人先外舅之執友參看贈吳其矩序秦屬隴西郡晉惠帝永寧中張軌奏河州古西羌地

置晉興郡晉志枹罕縣張軌分屬晉興郡前秦苻堅始置河州隋煬帝改爲枹罕郡唐復曰河州

方輿紀要卷六十

質人自長安與熊孝感書

熊賜履湖北孝感人官吏部尚書

告以重遊秦塞之故及預定行程之線路此書

當作於縱覽河套之後將發長安之前也七月杪返長安答劉體元書述塞上景象人物歷歷如繪并言向在黃定山所寡聞渺見未能成書今觀察魯菴張公爲成其美以所著可信今傳後召梓人刻刷以傳

與熊孝感書 都城數月朝夕左右承教誨頃有秦遊之役依戀不能別惆悵至今仍至秦與居停張觀察相得甚歡因得徧交達官及諸名下士頃一遊榆林縱覽河套地增益所不知因念向客河西安有記述於四郡山川險阻凡耳目所及既可無疑其他得之傳聞見於方策亦皆可信然身未遊歷所知非真採摭舊聞豈無踵訛增僞緣飾成書之病此份十年中有不能自信者至今益疑更念河西時事邇來變遷向所習見今有不同非今昔參觀不足以知得失擬欲重遊如漁父入桃源處處識之篋中多具楮墨左圖右書見聞並記以補向所不逮然雖輕裝策蹇非百金不足用居停主樂成其美欣然爲治裝今方整轡發長安

矣此行自河州西寧莊浪涼州甘州肅州折而東南至靖遠寧夏而止合客歲所遊西秦之邊盡是矣份竊笑言邊事繪方輿圖者類多勦襲臆擬如畫鬼魅欺人所不經見蓋地既險僻士君子所罕遊居人又罕能文間有傳載得一漏萬置重舉輕無裨實用雖衛各有志而蕪穢虛文展卷欲昧宜乎邊事之難言也西寧之四衛敦煌之三衛載在史冊弘治末改沙州爲罕東左衛著於實錄皆非隱僻丘文莊知西寧有罕東不知左衛別爲一處忽略左字之增遂以七衛爲六祖制藩服一旦陸沉其爲謬妄豈淺小哉夫文獻無徵足跡未及執空文而肆其臆說則書之不可盡信類多如此文莊博綜今古猶且不免他何怪焉凡書可閉戶而著惟地輿必身至其地否雖虛心訪求精詳考核其不爲水經之河水經張掖文莊之六衛所惑者幾希黃河自元都寶窮源始得其真七衛則葉進卿所考亦確而水經文莊之書行世已久往往亂真地形如此況其他哉昔臧晏於西域諸國大小道里遠近人數多少風俗燥濕山川草木鳥獸異物皆口陳而手畫之袁逢嘆曰班固西域傳何以加此河西較西域爲要地份才不逮古世之知我如袁逢者微閣下而誰耶異日且相見當爲閣下聚米

陳之灝行率爾奉聞諸託朱字綠口述不宣

懷萬堂文集卷一

答劉體元 初春伏蒙吾兄手書問西行梗概併當匆匆未遑裁答及今六閱月邇來眠食
何似幸示我以慰遐思七月杪份已返長安此行往還萬里以南方乘舟之人策馬五月登
頓勞苦髀肉盡消且天西絕塞飲饌大異進食又不以時饑不得食飽則羅列當前夜臥土
牀多蚤尤苦蟻蟲大於瓜子多至可掬一土牀藏可數升移衾裯臥地上則從屋椽間自墜
下如雨雹密灑歷歷有聲一爲所噏則泡高起半寸搔爬急則痕破血流一二日內身無完
膚居人咸露宿或擁妻子避屋上其地率平房覆土代瓦馬糞牛羊矢所薦蒸初至嘔吐不
能止其人強半西羌次土達次回次西彝男女飲食臥起盡出人意想外言語不相通展轉
翻譯多非本意間爲竈地作字百十人無一識者塞上人與之相習無間惟操漢音差強人
意耳份不善騎手足不便捷往往墜馬經河州漾卑川爲山椒林所觸仰墜馬後衣頓百結
而身體幸無傷所經地自名版皮馬客姓名不使人知甚至爲人叱罵都不與校其狡黠者
詫非賈客從僕夫詰難若譏察非常則遇之益恭常笑語友人曰謝靈運好山水所至人疑

以爲賊身好山水所至人疑以爲官大可笑也走河湟時賚公韓總戎知而晉接發馳騎前導所至謹烽堠千百夫長間佩刀屬弓矢盤帶拗轡以迎亟揮之不爲止出長城塞外則健兒十數騎握弓刀左右銀塔寺高僧綽爾吉類有功行彙奉爲活佛相與握手問勞若平生觀語意若能前知者爲設供帳如貴客至導看金銀佛銀塔諸寶器黃衣僧百數十趨踰執事惟謹灝行出轡稽爲別往還報稱使數輩交錯道中絕不一問休咎河湟間知爲總戎客或厚餽贐則矢天日卻之於河西受二牝馬則皆十年所繙交子輿氏以餽贐爲有辭貪夫往往借口份切恨之友人笑曰河湟四郡朔方北地山水城郭各繪圖圖各有說西塞三邊盡入奚囊伏波之聚米減晏之口陳手畫裴矩之西域圖記無能過者所得多矣可不爲貪乎份向在黃定山所寡聞渺見未能成書今觀察魯菴張公爲成其美以所著可信今傳後召梓人刻刷以傳然微定山發端不至此此則吾兄所素知也西行之概詳與孝感熊公書中別錄一通請益秋深風勁惟節宣自愛

懷葛堂文集卷一

朱字綠撰梁質人西陲三書序云上略余讀南豐曾子固元豐類藁載其先諫議公致堯有西

陝要紀十紀行世惜其書不傳吾友梁君質人份亦南豐人也以文章名於時顧爲人魁奇
好奇計多立義聲居山率鄉人十數鷹千餘賊不敢犯身臨行陣自謂爲知兵性又畏流
俗人知後乃衣短衣策匹馬遊幾徧天下念秦爲周漢唐都王者宅中必當復營豐鎬因西
首秦關周覽久之三歷塞垣由西安而東北至於榆林北至於寧夏西北至於西寧河州又
西北至於涼甘肅登嘉峪望合黎之山西絕嘉陵南浮漢又南至於興安東升太華三峯又
東出潼關函谷以歸迴旋萬里窮西秦之疆境所至記其道里山川阨塞城堡兵衛之形蕃
部彝族之衆法制戰守饋餉屯牧風俗之宜著西陲亥步二卷圖說四卷今略八卷傳之其
人以俟來茲下略

朱字
杜瑞文集

讀朱字綠此序卽知質人原著有西陲亥步二卷西陲圖說四卷西陲今略八卷其書似未
刊行故云傳之其人以俟來茲而質人答劉體元書謂觀察魯菴張公爲成其美以所著可
信今傳後召梓人刻刷以傳又似已付梨棗願魯菴於翌年六月自陝西驛傳道升任安徽
按察使見東華錄則其離陝距茲不滿一年未必能代爲刻竟江夏劉湘煃爲康熙中葉雍正初

年人自謂梁懷葛著秦邊紀略有書無圖湘煙得圖以校其書吻合疑卽梁圖云云章氏遺書卷二湘煙傳湘煙幾與質人並世若質人所著西陲三書均已刊印則何致謂其有書無圖耶迨乾隆開四庫館時直隸總督採進此書已不著撰人名氏見四庫全書總目史部地理類邊防屬之存目中同治間安徽藩臺吳坤修刊於懷寧以爲乾隆時人舉人王文灝刊於定州以爲蠡縣李培撰已不辨作者之時代與姓名至其板刻內容與原書有出入更無論矣

按劉繼莊之廣陽雜記姜西溟之懷葛堂文集序朱字綠之西陲三書序皆稱其書曰西陲今略而劉湘煙始題爲秦邊紀略不知何據今世流傳之寫本及吳王兩刻亦稱秦邊紀略或沿襲湘煙所題之書名耳

質人成此西陲三書得力於張魯菴前已言之魯菴蓋豪俠好士之流也博雲龍畿輔通志列傳卷二百三十六記魯菴之事頗詳茲節錄如下
張霖字汝作號魯菴晚自號臥松老衲由貢生歷官福建布政使署雲南巡撫緣事落職家居按津門徵獻詩引張虎士之嘯崖任福建藩司年方四十餘以母早歲劬勞家業未獲贍養卽告養旋里不復出仕又懷葛堂文集中如送張方伯往山海關序及寄劉忠嗣書謂魯菴張方伯退居一室云云皆稱方伯

而未有稱中丞者可見僅官至園亭甲一郡集江南北諸名士唱和其中一時如姜宸英梅文鼎趙執信吳雲朱彝尊徐蘭方苞皆主其家文酒之讌無虛日著有閒居堂稿霖子坦字逸峯號青雨康熙三十二年與弟壩同舉於鄉官內閣中書幼學詩於王士禛學書於趙執信能得其家法著有履閣詩集喚漁亭詩稿

是歲在秦與張采符發定交見張采符頽愾誌銘

清康熙三十四年乙亥質人五十五歲

作明威將軍和鈞天墓誌銘 和鈞天葬於善化此時質人似在長沙參看明威將軍和君墓誌銘 懿葛堂文集卷七

七

是年劉繼莊獻庭卒年四十八

王崑繩撰劉處士墓表云劉處士諱獻庭字繼莊號廣陽子大興人生於戊子七月年四十有八卒於吳中處士穎悟絕人博覽負大志不仕不肯爲詞章之學年十九親歿挈家而南隱於吳中久之西南大亂民惶惑不聊生處士乃入洞庭山學益力亂定妻張氏旋卒於是

慨然欲徧歷九州覽其山川形勢訪遺佚交其豪傑博采軼事以益廣其見聞而質證其所學中略處士於禮樂象緯醫藥書數法律農桑火攻器製旁通博考浩浩無涯涘中略若處士者其生其死固世運消長所關而上下千百年中不數見之人也下略

居業堂文集卷十八

全謝山撰劉繼莊傳云劉繼莊者名獻庭字君賢順天大興縣人也先世本吳人以官太醫遂家順天繼莊年十九復寓吳中其後居吳江者三十年晚更遊楚尋復至吳垂老始北歸竟反吳卒焉崑山徐尙善下士又多藏書大江南北宿老爭赴之繼莊遊其間別有心得不與人同萬隱君季野於書無所不讀乃最心折於繼莊引參明史館事顧隱君景范黃隱君子鴻長於輿地亦引繼莊參一統志事繼莊謂諸公考古有餘而未切實用及其歸也萬先生尤惜之中略繼莊之學主於經世自象緯律歷以及邊塞關要財賦軍器之屬旁而岐黃者流以及釋道之言無不留心深惡雕蟲之技其生平自謂於聲音之道別有所窺足窮造化之奧百世而不惑嘗作新韻譜中略及余出遊於世而繼莊同志如梁質人王崑繩皆前死不得見卽其高弟黃宗夏亦不得見故不特繼莊之書無從踪跡而逢人問其生平頗末查

無知者中略近者吳江徵士沈彤獨爲繼莊立傳蓋繼莊僑居吳江之壽聖院最久諸沈皆從之遊及其子死無後卽以沈氏子爲後然其所後子今亦亡矣故彤所爲傳亦不甚詳若其謂繼莊卒年四十八亦恐非也繼莊弱冠居吳歷三十年又之楚之燕卒死於吳在壬申以後則其年多矣下略

鮚埼亭集卷二十八

全謝山疑劉繼莊之卒年不止四十八恐未見王崑繩所撰之劉處士墓表崑繩與繼莊旣爲好友其所記當爲可信

清康熙三十六年丁丑質人五十七歲

是年正月質人在京師與王崑繩諱諸友壽萬季野斯中六十內藤譜誤列於康熙四十年壬午之條

高士萬季野客京師成六十時丁丑春正月中略予與南豐梁質人嘉禾吳商志新安宋豫庵黃自先蔡瞻峴漢水楊東里福清許不棄黃叔威龍眠戴田有孫幼服毘陵錢亮功下相徐

壇長共置酒商志寓爲萬子壽居樂堂文集卷十六王崑繩撰萬季野六十序

清康熙三十七年戊寅質人五十八歲

是年質人客京師爲周儀一作告別倡和詩序

內藤譜誤作周子儀

周子儀一遊燕公卿大夫爭結轂四方士至者爭識面皆樂與遊周子亦樂客於燕歲戊寅

周子一旦爲詩以告別

下略 告別倡和詩序

閩葛堂文集卷三

是年質人遊楚南因友人陳繹思作甘工科奏疏序

工科條奏凡五疏觀察甘公在謙垣時所上也

中略 戊寅遊楚南因繹思交甘公

論其五疏

之傳者繹思曰善請因以爲序

甘工科奏疏序
閩葛堂文集卷二

是年十月張魯菴升任福建布政使

東華錄

是年十二月吳門醫隱徐雲若卒年四十三

王崑繩撰徐雲若墓誌銘云予聞東南多隱君子已卯至吳故老皆無存者有醫隱曰徐雲若卒於前一年十有二月其生也以丙申之八月中略徐俟齋先生名枋明壬午舉人隱山中四十餘年以歿與君善多病君每攜藥入山視之歲凡數四以爲常寧都曾青黎寓於吳北遊客死一女五齡君撫之長而嫁之其孝義爲鄉里所重而力足以濟之者醫也中略君諱仁

贊別字曉石年四十有三

居業堂文集卷十七

清康熙三十八年己卯質人五十九歲

是年質人在湘作鄒節婦傳

今年己卯節婦一周甲子中略贊曰余遊瀟湘間鬱鬱久邂逅交吳西潭雅相善朝夕過從具得節婦生平事西潭節婦兄其言之詳也固宜

鄒節婦傳 葛堂文集卷五

是年張采舒往長沙訪質人

張采舒名翬蘇州上沙人中略嘗坐事流關中中略甲戌余重遊秦相與交善居五年省余於長

沙下略 張采舒賦柳誌
懷葛堂文集卷七

是年姜西溟英卒年七十二 西溟序質人懷葛堂文集謂其爲文鉤貫經史包括古今又言質人所著之西陲今略凡西塞三邊環七千里之地形勢瞭然在目

全謝山撰滿園姜先生墓表云先生諱宸英字西溟學者稱爲滿園先生浙之寧波府慈溪縣人也少工詩古文詞中略當是時聖祖仁皇帝潤色鴻業留心文學先生之名遂達宸聽一

梁質人年譜

日謂侍臣曰聞江南有三布衣尙未仕耶三布衣者秀水朱先生竹垞無錫嚴先生耦漁及先生也又嘗呼先生之字曰姜西溟古文當今作者於是京師之人來求文者戶外恆滿會徵博學鴻儒東南人望首及先生掌院學士崑山葉公案葉公卽葉子吉方謐適以宣召入禁中浹月既出則已無及矣於是三布衣者取其二而先生不豫翰林新城王公案王公貽上士禎歎曰真命也夫已而葉公總修明史薦之入局以翰林院纂修官食七品俸仍許與試尋兼豫一統志事凡先生入閣同考官無不急欲得先生者而先生亦疏縱累以醉後違科場致斥中略常熟翁尙書案翁尙書卽翁叔元寶林者先生之故人也最重先生是時枋臣案指明珠方排睢州湯文正公案湯文正卽湯潛庵而尙書爲祭酒受枋臣旨劾睢州爲僞學枋臣因擢之副詹事以逼睢州以睢州故兼詹事也先生以文責之一日而其文徧傳京師尙書恨甚顧枋臣有長子案指蘭成德多才求學於先生枋臣以此頗欲援先生登朝枋臣有幸僕安三案指安儀周勢傾京師內外官僚多事之如舊史之萼山先生者欲先生一假借之而不得枋臣之子乘間言於先生曰家君待先生厚然而卒不得大有佽助某以父子之間亦不能爲力者何也蓋有人焉願先生少施

顏色則事可立諸某亦知斯言非可以加之先生然念先生老宜降意焉先生投杯而起曰吾以汝爲佳兒也不料其無恥至此絕不與通於是枋臣之子百計請罪於先生始終執禮而安三知之恨甚枋臣遂與尙書同沮先生崑山徐尙書案徐尙書師健庵乾學龍官猶領一統志事卽家置局先生從之南歸中略康熙丁丑年七十矣先生入闈復違格受卷官見之歎曰此老今年不第將絕望而歸耳爲改正之遂成進士及奉大對聖祖識其手書特拔置第三人及第授編修中略而以己卯試事同官不飭簠簋牽連下吏滿朝臣僚皆知先生之無罪願以其事涇渭各具當自白而不意先生遽病死新城方爲刑部歎曰吾在西曹願使湛園以非罪死獄中愧如何矣中略所著有湛園未定稿葦閒集皆行世先生之文最知名者爲明史稿刑法志極言明中葉廠衛之害淋漓痛切以爲後王殷鑒一統志諸論序亦經世之文也晚年尤嗜經學始多說經之作未及編入集中而卒下略顧世人之所知者但先生之文而茫然於其大節豈知常熟一事則歐陽亮公之於高若訥不足奇也枋臣一事則陳少南之於秦埙殆有遜之若始終不負崑山則其小焉者矣區區徒以其文乎哉鮚埼亭集卷十六

清康熙三十九年庚辰質人六十歲

是年質人客長沙與陶奉長定交奉長名煊寧鄉賢士也

見陶母張孺人墓誌銘
懷葛堂文集卷七

是年明遺民陳元孝恭尹卒年七十獨漉堂集附錄佩蘭撰行狀元孝爲陳邦彥之子邦彥殉國難而元孝亦

隱居不仕與同邑陶善子何左王何不偕梁器圃諸隱君稱北田五子著有獨漉堂詩稿彭躬菴序云吾易黨魏和公從南海歸亟稱陳元孝之人與其友推重其詩予同堂咸信之雖未一識元孝間寓書輒齒兄弟乙卯扶衰冒艱險數千里入粵始得見元孝中略隨縕獨漉堂詩諸體兼擅手觸肩倚莫不中音意格渾成發人神悟下略

茲錄獨漉堂詩數首讀之卽知陳元孝蒙難艱貞之概

感懷 往者不可追來者不可期俛首爲今人舉體無一宣有目厭兵革有耳聞號啼有膚飽糠廩有足履禍樞赤舌有如火更以焚其軀 夢登首陽山巒哉何巍巍上有二子墳下有蕨與薇寧從白鶴巢不從鳳鳥飛白鶴巢有常鳳鳥來無時子胥耕吳野少伯困會稽一旦先塵埃千秋有餘悲 獄中雜記 烽火兼舟楫艱危四十餘幾爲弓外鵠一葬海中魚

債貴他生償名應獄吏書聞來尋舊將追問亂離初 舉世悲先烈虛名萃眇身局天非一日盡地又何人不獻鄒陽作終知石父伸從來黃興綺秦漢未稱臣按元季曾以事下獄獄中雜記詩二十六章此錄其一

元孝對於夷夏之防亡國之痛往往流露於詩篇如云胡風自西來四海同其塵海水有門分上下江山無地限華夷又云莫令亡國月得照渡江人次鳳陽逢中秋欲灑新亭數行淚南朝風景已全非秋日西郊燕集禮亡已驗伊川髮涕下徒傷賈傅年洛陽懷古 詩中敵愾之情亦時見楮墨間如云手斬郅支頭獻俘鳳凰闕感抽出腰下刀深勒燕山字折楊柳歌大恥且不雪獨善有何稱贈別屈死求馬骨言終驗生搆秦胸計已疏燕臺懷古乃知未仕報韓者古今所以爲丈夫柏舟行

清康熙四十年辛巳質人六十一歲

是年三月初旬質人由夏口至南京與茹紫庭痛談浹日此時紫庭將赴雲南景東知府之任質人有送序送茹紫庭守景東序初夏質人至天津館於張魯菴家本年三月高掛容任命福建布政使見東華錄魯菴卽任回籍當在此時

留百有六日又之京師

上已後十日份買舟夏口比至金陵茹紫庭已還家方嚴程之任滇南痛談浹日始南北分行渡江淮逾泗浮漳衛下直沽時已初夏魯菴張方伯退居一室跫然爲喜留百有六日暑退涼生湖潞之燕市此七閱月舟行四千里之大略也寄劉忠嗣書
萬堂文集卷一

是年七月關中高士李雪木柏卒年七十一王心敬太白山人
雪木李先生墓碑

錢儀吉撰太白山人傳云康熙間關中儒者咸稱三李云三李者蓋屋二曲富平子德郿太白山人也九歲孤稍長讀小學曰道在是矣遂盡焚所習帖括而日課古書會童子試不肯就匿枯寺中入智井三晝夜已出走西踰汧南入棧道東登首陽拜伯夷叔齊墓家人跡之歸中母命之乃一就試補博士弟子始名如泌有司改泌爲密山人曰李密以蜀爲僞朝吾不願如之也乃易名柏字雪木母卒遂棄冠服入太白山中率家人力耕刻苦爲學家故貧兵盜水旱滋益困自子德被徵至京師數稱山人賢人始有知之者或欲周之而山人難爲衣食嘗一日兩粥或半月食無鹽時時忍飢默坐間臨水把釣夷然不屑也中
著有辦葉集

自題云山中乏紙采幽巖之肥綠挹心血之餘澀積久盈篋遂爲集名下略

李雪木與質人交善其所著櫟葉集曾求質人作序

寄梁布衣質人云一春一秋一日一月將古今黑髮少年都被風輪轉老可爲太息弟落拓一生空山無事胡嘲樵歌書之櫟葉奇零散碎邇來收拾成帙向在湖南曾求大序已蒙允諾今可賜教使秦人缶聲不同荒煙蔓草樹蟬砌蛩轉眼斷絕者先生椽筆之外更求何人

耶櫟葉集

清康熙四十一年壬午質人六十二歲

是年三月李草堂鳳卒年七十有三 草堂與質人同學於邵弘齋質人撰李草堂墓誌銘云
草堂生而神采煥發性倜儻好學勇於爲義幼師弘齋邵夫子獨器重之謂爲可傳其學者也
懷草堂文

是年四月萬季野斯同卒年六十五劉坊櫟萬季野先生行狀黃百家撰萬季野先生墓誌銘 內藤譜作卒年六十誤

萬斯同字季野號石園生有異稟八歲於客座中誦揚子法言如倒峽然不肯守塾師規程

父兄以其頑閑之空室中竊見架上有明史料數十冊讀之甚喜又見有經學諸書皆盡之既出隨諸兄後聽其議論一日伯兄斯年家課請預焉伯兄曰爾何知答曰觀諸兄所造易與耳伯兄奇其言姑難出經義目試之汗漫千言立就伯兄曰幾失吾弟亟白其父履安先生履安亦愕然曰幾失吾子未幾遺從南雷受業置之絳帳中高坐斯同讀書五行並下如決海隄然守先儒之戒以爲無益之書不必讀無益之文不必作故於書無所不讀而識其大者康熙戊午詔徵博學鴻詞巡道許宏勳以斯同應力辭得免明年開史局崑山徐學士元文廷修明史時局中徵士稱著作郎食七品俸學士欲援例以授並辭之以白衣參史事不署銜不受俸蓋斯同先世自明初受三等之封世襲指揮僉事迄於國亡故不輕出仕而獨有意於故國之史中略史館有劉繼莊者博涉略相等鈔館中祕書無算持歸蘇之洞庭招斯同曰此間有何樂曷不與我共成千秋之業斯同將赴之時元文已罷官而澤州陳廷敬京江張玉書繼掌史事復留之堅勉成明史列傳三百卷明史表十三卷宰輔彙考八卷河渠志十二卷自後史局雖屢經更定要無能出其底本之外聞繼莊沒頗抑抑不自得遂卒

於明史館中下略
稿儒林傳下

萬季野極稱賞質人之文章渠嘗評質人送張方伯往山海關序云氣雄力厚如山之崑崙海之浩蕩非此文不足形關之壯非此關不足當此文之豪古之銘劍閣賦居庸者盡俯出乎下矣見原刻本序後

是年秋劉羽邀忠客死巴陵舟中質人稱忠嗣天下奇男子也見陶母張孺人墓誌銘

是年臘月質人在夏口與許尹重任陶甄夫寫尙以朋友汪農夫贈于郭善夫恒等同覽熊襄愍復邊將手蹟并作書見熊襄愍復邊將手蹟書

後按熊襄愍卽熊芝岡廷弼

清康熙四十二年癸未質人六十三歲

是年正月質人偕黃宗夏曰瑚徒步謁十三陵往還五日作圖說一冊圖用宋人石刻闢方法相方用指南針計里用跬步圖各有說詳證博考足正肅松錄諸書之誤惜其書不傳

王峴繩十三陵記下上略癸未源友梁份贊新安黃曰瑚徒步往謁份爲圖說曰瑚步跬形勢規制遠近吉凶無不載又參考國史諸陵建立始末悉正肅松錄水東日記諸書之誤下略居

質人與朱宇綠書云四遊神京未及一謁陵寢每出廣寧門面發赤痛自訶舐無及矣輿地不身歷徒聽人言往往自誤份問昌平諸陵率答以路甚遠費甚多展謁甚少啓閉甚艱而虎甚猛衆說紛紜聞之色沮宜乎中止於發邁也獻歲脫除俗事客燕勝友僅得六人期以元旦偕行至期以事不能行者一人越二日又止者二人又踰宿旣發止者一人份慨然奮發矢之曰旦明卽孤身必往也夜分趣僕摒擋以俟如約者黃宗夏一人耳乘驅驢出德勝門數徒步者抵昌平州日初昃又貸一傭樸衣被詰朝步陟至長陵拜謁盡禮其十一陵以次謁最後謁烈皇帝攢宮合三日乃旣天壽諸陵凡山川樓殿碑塚寶城周垣之方位深廣目覽足步手書泐成一冊左圖右說又懼歲久滄桑變則臺殿湮而不存於是因山之根河之壘城之址處處計之某至於某若干跬某陵至某陵若干跬又恐迷於所向則考極相方定二十四山位某位某方某陵位某方遠近交互參相考是二法並行而明室一代之弓劍百世後不可接圖者斷乎其未有份每念漢唐以來之山陵某存者且彷彿疑似不可別若

湮滅於兔葵燕麥中者又何可紀極生則君臨萬方死乃抔土莫別可不痛哉唐珏之種冬青樹心亦良苦然可百年計非悠遠也份之圖說不敢謂爲創始圖用宋人石刻開方法相方用指南針山麓水濱取易改邑不改井之義惟計之以跬則出於心裁非有所襲者蓋律度量衡之不同也久矣九州之丈引人人殊至以里計率漫然計之一無可考也份則以人之短長有不同而跬步則無以異司馬法曰一舉足爲跬再舉足爲步計跬而里可考矣世卽有能爲計里鼓者有操度而量者誰與一舉足之不毛髮爽且近而取諸身也是份之獨見也圖說之成勞瘁於徒步忍飢渴五官並用手足俱勤者份得宗夏之助爲多至於近代諸書采摭參考惟顧炎武之昌平山水記可謂不刊身歷其地也猶不免於一二出入他如肅松錄燕都遊覽志小草齋集春明夢餘錄湧幢小品北遊紀方帝京景物略芹城小志無用閒談國朝典彙白頭閒話方輿紀要水東日記大政記治平略獻徵錄野獲編名山藏否泰錄宦載今言諸書多掛一漏萬且悖謬舛錯書不足盡信不如無書況乎人言哉乃者往還五日人費錢七百車駔飯飲逆旅貨僕賜守陵皆在焉是役也僕傭皆飢渴況瘁不免愁

歎惟宗夏壯年能勉彊份自笑雖暮而筋骨猶未之衰也字綠欲問津故一一及之

懷葛堂文集卷一

質人往謁昌平諸陵期以元旦偕行然其至京師也必在去年冬末內藤譜謂是歲質人在夏口作許尹重六十序已而復客燕似有錯誤蓋質人赴夏口必在遊京師之後

是年黃復菴隱君宗夏之父六十質人作序壽之

北平劉繼莊處士也好獎借善類所交徧天下士執經門下者以千數其言可屬大事艱難百折而不回者則必曰黃君復菴中略君年方六十宗夏不能苟富貴以娛親歸之日貧無所

操操名人之文若詩以稱慶而宗夏固欣欣然有喜色也

下略
懷葛堂文集卷三

黃復菴隱君以癸未登六十其子宗夏請予文爲之壽君生於甲申適鼎革之際迄今且六十年矣中略宗夏爲予友劉繼莊先生高弟又請執贊於予予辭焉

王崑繩撰黃復菴隱君六十序
居樂堂文集卷十

六

是年作溫虞白遺事後序

虞白先生歿後二十年其子德裕與份交善手先生狀使爲之序

下略
懷葛堂文集卷二

溫孝懿先生名樹灝字虞白別字清湄三原人以順治丁亥進士知山東堂邑縣甫三月有舉子路伸者作難因罷歸家居三十餘年力學制行巍然爲鄉黨宗中癸亥卒於江寧

王冕編撰

溫孝懿先生傳
居業堂文集卷四

按自癸亥康熙二十二年歿後二十年卽康熙四十二年又據正始院碑記三原溫君載湄世謙仕學問淵源中份與溫君皆講學於京師

下略
懷葛堂文集卷四

載湄爲虞白子卽德裕之字質人此序似作於京師與載湄講學之時

是年八月質人將南歸過張逸峯處作說秋齋記

癸未秋仲予將南歸過張子逸峯張子夙客命酒遠近戚友盈坐中酒半雜起坐歡然相洽也張子曰吾治吾齋未有以名者諸君子集願有以名吾齋者客未及對坐定屬有以秋字爲觴政俯仰各屬思張子之仲父帆齋先生遽起大呼曰說秋余曰此真可以名張子之

齋也

說秋齋記懷葛堂文集卷四

按張逸峯名坦張霖之子官內閣中書

梁實人年譜

清康熙四十三年甲申質人六十四歲

是年春初與八大山人書告昨年謁陵之事

警歎不相聞者辛壬癸甲矣長兒文起來述近禔甚悉碩果之足以見天心也份年來坎壈無一足爲先生道者惟徂歲同黃宗夏走昌平謁一祖十二宗之陵寢攢宮留數日繪圖列向開方記蹟圖各有說爲古今所未有之書尤昭代所必不可無之書行授之梓十五國中各流布十冊天潢之賢肖者與忠孝之後義士仁人并藏奔之俾聖祖神宗之弓劍永永垂於天壤不致如歷代帝王棲神之域或湮沒於曠水殘山者庶幾此舉與種冬青可絜長量短而份且藉爲祖父報數百年茹毛踐土之恩矣想先生聞此必爲開數十年未開之笑口而展圖一覽又必淒然於此日矣春冰呵凍不宣

與八大山人書
懷葛堂文集卷一

按八大山人原姓朱名耷字雪个明宗室居南昌國變後薙髮爲僧以書畫爲生讀質人此札憂傷感慨知其十三陵圖說爲報國恩而作其書之不傳或以觸犯清忌而被焚燬歟是年因執友許真意宰陳留新修阿衡廟爲作碑記此時質人或在南歸之途乃逗留其地耳

是年客漢上爲奇士李惠伯作紫硯銘序

紫硯銘序
葛堂文集卷三

是年爲葉聖祥作律陶序

此時質人已回江西

余舟次鹿渚因友人熊養及交其學子葉聖祥中略已而手律陶若干首聲比句律合乎天然

略

今年甲申聖祥年纔四十願加之學將見穎異而才美寧獨詩而已也

國葛堂文集卷二

清康熙四十四年乙酉質人六十五歲

是年漢陽蕭節母陳氏卒年六十有二質人爲作傳

漢陽蕭節母傳
葛堂文集卷五

是年客京師見張采舒聽其彈音樂解見康熙四年條

清康熙四十五年丙戌質人六十六歲

是年二月王崑繩源偕質人子文中過昌平步登天壽山

王崑繩撰十三陵記下
居業堂文集卷十九

是年在江西作封位齋墓誌銘又作重新望湖亭記

位齋卒於丙辰八月朔日其子亭輩以初葬土瘠薄今改葬其鄉舊墳距今三十年

封位齋
墓誌銘

懷葛堂文集卷七

梁質人年譜

望湖亭在吳城土山巔名最著於江右中略丙戌慎齋王公來守是邦下教重新

重記新望湖亭懷葛堂

文集卷四

是年重遊京師作又持字說復與王秋史萃飲於燕市

吾友綽然棄代之期年丙戌余重來京師其長子肅年纔十五日夢綽然曰肅也藐然孤
也願有以字也又持字說 蘭

葛堂文集卷六

二十四泉內翰王蓼谷構草堂誦讀其上數十年詩名尤著歷下名宿莫與京寓內日思讀
其詩未得也丙戌捷南宮朝夕偕余飲燕市慷慨談天下事獨未及詩明年余將南歸始出
所著草堂詩屬余序蓼谷一字秋史才高性卓犖年十八能詩涉五載不一示人然日爲詩
歲爲帙帙積至二十有七富於詩而用力久寧有加於蓼谷者哉二十四泉草堂詩集序

按王秋史名萃號蓼谷山東歷城人丙戌進士改官成山教授所著二十四泉草堂集十二

卷起辛酉至丙申集中未見與質人唱酬之作

是年八月張采舒翠卒年五十一

質人撰張采舒輒榔誌銘云張采舒名輩蘇州上沙人家貧力學能詩文勇於義俠嘗坐事流關中九州內外咸奇之中略謝代日年纔五十有一下略銘曰上略君今已矣夫何云內戌秋仲朔目瞑下略

質人云以余所交有志識士可爲天下用如劉獻廷萬斯同王鉞劉羽邀輩亦後先倫喪惟采舒強壯天所以曲成全者豈其無意見張采舒輒榔誌銘

王崑繩云吳門張采舒義俠奇男子中略而其詩和平惋鬱有蘇李陶靖節之遺居樂堂文集卷十四張采舒詩序

由是觀之采舒亦非常之士也惜其詩文集不傳於世第見杜鎔文集中附其書札四篇係與朱字綠討論陽明之學

是年關中大儒李中孚闕卒年七十九

全謝山撰二曲先生窆石文云按先生姓李氏諱顥字中孚其別署曰二曲土室病夫學者因稱之爲二曲先生西安之盩厔縣人也中略關學自橫渠而後三原涇野少墟累作累替至

先生而復盛嘗學慕先生名踵門求見力辭不得則一見之終不報謁曰庶人不入公府也再至并不復見有餽遺者雖十反亦不受中略陝撫白君欲薦之袁衡中略得免陝學許君欲進其所著書亦不可中略癸丑陝督鄂君竟以隱逸薦先生中略辭牘八上時先生以病爲解得旨俟病愈敦促入京自是大吏歲歲來問起居欲具車馬送使覲天子先生遂自稱廢疾長臥不起戊午部臣以海內真儒薦復得旨召對中略大吏勸行益急檄屬吏守之先生因稱病篤昇其牀至行省大吏親至榻前從臾先生遂絕粒水漿不入口者六日而大吏猶欲強之先生拔刀自刺陝中官屬大駭乃得予假治疾是以後荆扉反鎖遂不復與人接雖舊生徒亦罕覲惟吳中顧寧人至則款之而已天子西巡欲見之令陝督傳旨先生又驚泣曰吾其死矣辭以廢疾不至下略亭集卷十二

李中孚與質人交期甚厚讀其往來書札便知兩賢契合之情

質人與李中孚書云份與世浮滿不欲受知於世惟懼無短長足當先生之知顧立談間許爲異姓骨肉竊幸不敢自外惟懼爲先生玷耳見懷葛堂文集卷一

李中孚答梁質人書云接來翰暨佳刻能有古人心乃能爲古人文秦邊之遊憂時感事壯懷激切所籌邊陲情形可謂天下之大有心人二曲集卷十七

清康熙四十六年丁亥質人六十七歲

是年九月王崑繩源序質人文集云余與質人俱落拓京師窮且老依人可知質人此時在京又二十四泉草堂詩集序云丙戌明年余將南歸見前則是年質人復南下矣

是年朱字綠舊卒年五十有一

王秋史二十四泉草堂集卷七丁亥有詩題云聞同年張陽朔爾羽卒官因感呂編修無黨朱翰林字綠同學趙河南豐原今年相繼殂謝據此則知朱字綠卒於是年

方望溪撰朱字綠墓表云康熙丙寅字綠以選貢入太學海內知名士皆聚於京師以風華相標置獨字綠褐衣布履行行稠人中時語古文推宋濬虛語時文推劉無垢字綠見所業遂歸讀書杜溪及壬午再至京師聲譽一日赫然公卿間二君若爲小屈焉遂連舉甲乙科入翰林館中先達皆嚴憚之略字綠強記文章雄健尤熟於有明遺事抵掌論述不遺名地

喀始字綠歸自京師築室其邑之西山名曰杜溪將著書以終老焉其再出也以家貧多累
又自恃體素強齒猶未也雖遲之數年未爲晚而竟死於輶旅中喀字綠諱書以康熙某年月
日卒於京師年五十有一下喀遺稿中接朱字綠爲安徽宿松人

清康熙四十七年戊子質人六十八歲

是年秋質人南歸取道常山訪求張采舒族姻并作題榆誌銘

喀甲戌按即康熙三十三年余重遊秦相與交善居五年按即康熙三十八年省余於長沙又六年按即康熙四十四年余
客燕采舒顥先至余不解音樂聽其一彈再鼓往往盈耳而悅於心中明年按即康熙四十五年四月
南歸握別唏嘘不自禁踰歲按即康熙四十六年有言其客死常山者明年按即康熙四十七年余還山取道常
山訪求之無有也越宿始聞之王別駕坦齋始命書吏閱牘徵召逆旅輓柩夫始畢集使導
視始得櫬於水門北城隈雜墊繖櫨檻間漫無所識別又不施苦蓋暴露風日中中喀時別駕
攝邑篆立修刺報謁立鳩工買蘆艤和唇灰甃砌外柳圭首樹石碑以表曰張采舒柩立鐫
刻之垂久遠也中喀輒以九月二十九日成適再期三月禫服闋不寸晷爽常山聞者咸嗟

異之銘曰吳人也續以入於秦方適西粵也胡殞身於越之濱下略
舒頽柳誌銘

內藤譜謂質人於采舒死之明年將還山取道常山訪得采舒之櫬並將此段事實誤列於康熙四十六年條下不知質人途次常山之日確在采舒死後第二年爲康熙四十七年若一按甄柳誌銘中所述年歲之次第即可信而無疑又內藤譜指常山爲正定府此更謬誤查常山屬於浙江衢州府故銘詞有殞身越濱之句

是年代南豐縣令梁津園序曾南豐文集此時質人已歸江西

戊子始探筭得南豐中略比至居兩月而盡不可爲幡然引疾歸中略先生文章至今存焉者寡

矣惟元豐類稿邑中今刻本有四懼或失真後裔國光欲更鐫版可謂能孝而以序屬余代家

津園序曾南豐文集
懷葛堂文集卷二

清康熙四十八年己丑質人六十九歲

是年質人由江西北上道經漢口漢陽鄖城

文陟予印藪序云己丑余經由漢口懷葛堂文集卷三陶母張孺人墓誌銘云余己丑道經漢口

懷葛堂文

汪母何孺人生曆誌云己丑余客漢口

懷葛堂文

碧梧軒琴譜序云己丑余

北征道經漢陽

懷葛堂文

正始書院碑記云三原溫君載潤世廡仕學問淵源歲甲申宰

鄖中略鄖城南二十五里有地曰紫岡有寺曰普濟其地爽垲而四通君於其側亦既立義學

招生徒而廩給之矣義學東舊有淫祠亦既詔士著毀之矣一日慨然曰富而不教育民社者之過也乃即其基構書院爲楹三左右廊廡各一前建重門額曰正始

中略鳩工於己丑某

月以某月日落成

中略

份與溫君昔講學於京師今復北征經其地覩其事樂其學之化民而

政之成也

懷葛堂文

集卷四

觀以上各文卽知質人由江西北上道經漢口漢陽鄖城而至肅州蓋是年茹紫庭持節使

肅州

見茹公墓誌銘

質人或往訪焉

內藤譜據茹公渠記今上己丑以觀察茹公秉節使肅兼理屯田水利及余重修肅等句遂

謂質人作記亦在是年殊不知質人此記乃次其弟子辛成用所言追述茹紫庭疏渠之功

而文之結尾且云公諱儀鳳字紫庭宛平人更足以證明質人作記之時紫庭已死

於壬辰卒

安得謂爲是牟耶

是牟爲漢陽狂士文賓門師作問真堂詩集序

據碧梧軒琴譜序已社余北征道經漢陽此序爲作於年內藤譜謂作於戊子似非

序云問真堂集漢陽狂士文賓門詩也賓門秉異資少讀書輒恥章句學喜學詩古文辭習右軍書皆不肯頬首學又不善世俗詩文負才勇喜走馬擊劍走軍前觀戰陣又無一當意棄去遊燕趙落落寡所合人竊目爲狂荊門胡學士脩予獨重之謂其意氣出於學問顧好大言益伉壯遇顯貴不苟納交顯貴人亦莫與之交張中翰日容言其詩於韓宗伯元少元少曰賓門積學肆志遜世無悶之高人也行序其詩因作詩贈之海內以是始知其能詩久益困則之秦中略華陽王山史卻徵聘謝客一日覽賓門華山松樹歌立修刺延賓門主其家賓門則循循謹謹退然若昔之敬事杜于皇者中略客闕中十年海內無不稱文賓門其人也戊子始歸里解其裝充然者問真堂詩一卷耳下略 傳文錄卷二 懷葛

文師汲字賓門嗜讀負氣性文疏爽峭勁時沈鬱喜揮霍里有偕妻子鬻身營父喪師汲捐貲贍歸遇不義必面斥晚好談武奮袂低昂兩腕骨珊瑚鳴歛從戎任邊事不得請乃走吳

越豫章燕齊秦楚述懷弔古悉發於詩文惜卒後散逸

同治續輯漢陽縣志卷二十一文苑

按吳仕潮所輯漢陽五家詩選內有文賓門紡山草堂集二卷卷首除載漢陽縣志文賓門列傳外又有仕潮記賓門逸事一段所謂華山松樹歌亦載在其詩集中且有送梁質人之肅州七律一首足以證明是年秋質人由漢赴肅茲移錄於左

先生爲人性豪邁不屑尺寸旣讀書能文章謂此齷齪不足以展胸中之奇乃就俠遊學走馬擊劍周四方覓知己旅闌中凡八年欲馳驅萬里外立張博望傅介子之功卒不能如意之京師學趙壹賦窮鳥幾幸一遇值臺省厭客無薦達者偶投謁一大老闞者弗爲通先生大怒罵曰乃公出身儒者余方以士不遊於門下爲訝乃今知皆爾輩所格吾爲乃公教爾輩舉拳連踏數人聲聞於內主人出強爲溫語以謝先生竟飄然去弗之顧由此知名凡騎驢賣畚之輩爭持羊酒交先生恐後然由此益爲諸貴人所忌日狂生不可近久之不自聊益發憤於五七字悲涼慷慨如飢鷹餓鴟長鳴秋野聞者色沮中略顧沒後其稿散失不可得乾隆丁卯先生門壻吾宗繼徵持腐爛抄本三冊謂余曰此先生易簀時所親授藏已三十

年無轉付者今得遇君先生不朽矣余退讓不敢承未及旬月繼微竟卒嗚呼先生抱負奇偉果能如傳張與否未可知而此有韻之言在先生亦腔血之餘瀝耳因補其殘闕稍加校定列於五家之中以慰先生地下且以答繼微殷殷之託云

華頂將軍松樹歌 蒼龍嶺南直十里大松百丈石上起蟠根不藉寸土封巉巖四圍列磯磯有時拂地吐雲煙抑或擺空作雷雨叶皮藏殘雪漢代封根長孫枝秦時始神物應有鬼神呵老幹不隨蛟龍死淺人指點說晉唐紛紛之議何爲爾試問三峯生長自何時此松與之同年紀

送梁大質人之肅州 又問秦關去漢濱蕭條一劍向誰親八千邊塞冰霜路七十遺民老病身多難祇知添短髮深憂原不爲長貧棲棲當我無家日相送秋風倍黯神

竇門此詩當作於康熙四十八年己丑因質人自云己丑余北征道經漢陽見碧梧軒琴譜序此其證一是年質人六十九歲詩中云七十遺民恰相合此其證二又依此詩可知質人己丑北征是往肅州無疑

國朝詩的湖廣省門載湘潭張豈石源七日送梁大質人往肅州七律二首 七載分攜楚
水濱白頭吟苦見交親重逢人日題詩地猶是天涯遠客身老去筋骸還作健生來心事不
憂貧行行盾鼻書還著每把高文輒有神 一卷光芒懷萬堂讀餘搔首望蒼蒼此生有願
事千古明日思君天一方金枕荒丘悲蔓草鐵函良史凜秋霜岐陽此去應回首記聽歌聲
是楚狂 第一首韻脚與文賓門送梁質人之肅州詩相同似步其原韻而作又接原刻懷
萬堂文集陶母張孺人墓誌銘後有文賓門張豈石評語質人此文作於己丑年道經漢口
之時文張二人當日亦必在同地由此可證明豈石此詩與賓門共賦於一時也 讀賓門
相送秋風倍黯神之句知質人由漢口赴肅州是在秋間又豈石之詩標明賦於七日其第
二首有句云明日思君天一方則質人啓程之日爲八日惟不知究竟在何月以其詩意揣之
當不出八九月耳

清康熙四十九年庚寅質人七十歲

是年王崑繩源卒年六十三李培源傳

王源字崑繩世爲直隸宛平人父某明錦衣衛指揮明亡流轉江淮寓高郵源少從其父喜任俠言兵少長從寧都魏叔子學古文性豪邁不可羈束中年四十餘以家貧父老始遊京師傭筆墨貴人富家多病其不習時文笑曰是尙需學而能乎因就有司求試舉京兆第四

人曰吾寄焉以爲不知已者詬厲也中晚年與蠡縣李塨遊大悅之遂與師事博野顏習齋

學禮終日正衣冠對僕隸必肅恭然自負經世之略益堅之中五十後葬其親遂棄妻子爲

汗漫之遊中逾六十復歸往來金陵淮陽間客死山陽惟兄之甥蔣衡視含斂卒之夕神色

傲然無一語及家事四君子傳見

清康熙五十年辛卯質人七十一歲

是年二月作吳仲昭八十序 仲昭南昌人此時質人在江西仲昭吳第八十序

清康熙五十一年壬辰質人七十二歲

是年二月茹紫庭儀卒年六十三 質人作墓誌銘

上略 己丑持節使肅中略 再期秩滿以次推江西按察使忽疾作中風中略 公生順治庚寅十月二

十三日終康熙壬辰二月二十二日享年六十有三

下略

茹公墓誌銘

集卷二

文

又作賴母彭

是年侈國勸爲江西巡撫

東華錄

贊人

彭

孺人江

西會昌承

禮

孺人墓誌銘彭

孺人江

西會昌承

禮

萬堂文集卷七

清康熙五十二年癸巳質人七十三歲

是年作建昌郡清香閣記

上略壬辰海寧陳公以刑部尙書來守是邦不期年百度一新明年於廳事東斥地構閣

下略

清

香閣記懷萬
堂文集卷四

是年二月初十日戴田有名以南山集獲罪處死年六十一康熙三十六年正月質人客京

師嘗與戴田有同壽萬季野六十

見前

康熙五十二年歲癸巳二月初十日戴憂庵先生伏法於京師

中略

先生諱名世字田有一字

褐夫號藥身又自號憂庵身後鄉先輩及四方學者皆稱之曰宋潛虛先生以宋爲戴族所

自出也

中略

先生幼聰穎六歲從塾師受學中間以疾未能專讀凡五年而四書五經畢自是

窺探經史百家即善爲古文辭中康熙庚申先生年二十八入縣學爲諸生中又四年乙丑以廩生得選拔貢生中略丙寅冬入京明年以選貢生考取補正藍旗教習考授知縣應京兆試被放中略乙酉應順天鄉試中式舉人中略己丑會試中式第一名貢士殿試一甲二名進士授職翰林院編修時先生春秋已五十有七矣又二年以南山集獲罪獄辭具於辛卯之冬又二年論死蓋先生少以明史自任中略與余生書曰前者浮屠犁支自言永歷中宦者爲足下道漢黔間事余聞之載筆往問焉余至而犁支已去因教足下爲我書其語來去年冬乃得讀之稍稍識其大略而吾鄉方學士有滇黔記聞一篇余六七年前嘗見之及是而余購得此書取犁支所言考之以證其同異蓋兩人各有詳有略而亦不無大相懸殊者中略昔者宋之亡也區區海島一隅僅如彈丸黑子不蹤時而又已滅亡而史得以備書其事今以弘光之帝南京隆武之帝閩越永歷之帝兩粵帝滇黔地方數千里首尾十七八年揆以春秋之義豈遽不爲昭烈之在蜀帝昺之在崖州而其事漸以滅沒中略老將退卒故家舊臣遺民父老相繼漸盡而文獻無徵凋殘零落使一時成敗得失與夫孤忠效死流離播遷之情狀

無以示於後世豈不可歎也哉終明之世三百年無史金匱石室之藏恐終淪散放失而當
世流布諸書缺略不詳毀譽失實嗟乎世無子長孟堅不可聊且命筆鄙人無狀竊有志焉
啞中足下知黎支所在能召之來與余面論其事則不勝幸甚按此書刻入南山集而田有至
身遷大福卽以此也 中略至

康熙辛卯冬武進趙都諫申喬據南山集題參而同時又多忌先生名者力擠之中

啞相國安

溪李公雅重先生欲疏救於萬死一生之地卒不可得然尙賴仁廟寬仁減吏議極刑改死

罪而已牽連三百餘人悉爲保全而先生宗族及子弟悉蒙寬宥方氏遣戍及隸旗籍者按

孝標族屬謫黑龍江方苞編旗下雍正元年恩詔均爲赦宥焉下略 蔣敬孚撰戴憂庵先

清康熙五十三年甲午質人七十四歲

是年作新修建昌府學記

吾郡學宮久傾圮蕪穢甚壬辰冬海寧陳公來守吾郡以風化爲己任中略捐己俸特理而新

焉中略自甲午某月庀材鳩工以某月日落成懷萬堂文
集卷四

是年秦對巖齡卒年七十八

康熙十九年庚申質人從魏叔子遊無錫曾主秦對巖館舍

清康熙五十四年乙未質人七十五歲

是年代陳郡侯作重修建昌城隍廟碑記

某守官三載樂其人文蔚起百廢方興獨城隍之廟有愀然於心者略予葺郡學成乃撤廟

而新之中略始乙未某月成某月下略

堂文集卷四懷萬

按以上三年間所作之文質人此時嘗居建昌其鄉南豐縣卽隸此郡

清康熙五十五年丙申質人七十六歲

是年作馮渭陽畫像記

馮渭陽世居撫州之詞源生年己丑中略今君享年六十有八下略

堂文集卷四懷萬

自生年己丑推算

至六十八卽康熙丙申

清康熙五十六年丁酉質人七十七歲

是年秋杪太倉顧玉亭訪質人於豫章

歲丁酉秋杪太倉玉亭顧君訪予於豫章

贈顧玉亭序
萬堂文集卷三
懷

是年作送丁酉典試秦太史序 秦太史卽無錫秦南沙是年典試江西

懷萬堂文集卷三

清康熙五十九年庚子質人八十歲

是年作懷遠將軍郭登龍墓表

懷遠郭將軍者閩之福清世家子以武選授西安衛累官都閫葬西安鄧杜間則厥嗣恆始著籍也

中略

鄧杜間山旣買亦朱邑之桐鄉矣走過而指之曰此牛眠地也恆善之甲午乃葬

於今七年矣恆以走不諛墓而以表碣屬不獲辭將軍子恆字善夫方需次州牧善夫之子

景文純已任興平教諭今陞知縣候補

下略
懷萬堂文集卷七

質人又曾作郭母陳太君七十序不著年月其文云

上略

郭子善夫孝慈人也翩翩儒雅寄應

關中

中略

令子景文純以名諸生一日匹馬追余馳三十里致贍金談甚暢亟道其祖母陳太

孺人質

中略

今晚春朔子孫班爛祝七十

下略
堂文集卷三

按此文當作在郭登龍墓表之前因

此時景文尙爲諸生未任教諭未陞知縣候補也

是年作坡山朱氏宗譜序 此序作於浙江內藤譜以坡山在江西瑞州四十里遂疑質人作於江西

今撫浙中丞可亭公手自修之歷數載而坡山之譜始告成庚子鋟版摹印始授各子姓以
譜中丞公鐫旣成份適至越屬以校帝虎下略 坡山朱氏宗譜

是年六月涂惕巖尚存 卒年七十有九 惕巖江西新城人魏叔子之門人也質人爲作墓誌銘

涂君惕巖墓誌銘
懷葛堂文集卷七

是年又作鄜州刺史黃畏巖光墓誌銘畏巖世居新城亦爲魏叔子之門人內藤譜列於六十
年辛丑條下誤

畏巖名光會世居建昌新城康熙己酉舉於鄉壬申筮仕河間南皮令三考著績擢陝西鄜
州刺史不匝月引年歸家食十九年令終距所生明崇禎丁丑得年八十有四下略 刺史黃君畏

葛堂文集卷七

代石外臺作重新德勝門關廟記石外臺即江西按察使石蘇萬德

又作師周合葬序帥周二子皆南昌人

懷葛堂文集卷三

清康熙六十年辛丑質人八十一歲

是年冬質人在建昌未幾游閩集唐詩十律以贈攝理福州將軍石蘇萬并爲童智涵著作閩

游草序

會稽智涵童君負經緯才爲吾外臺石公上客辛丑冬公攝理鎮閩將軍事道出建昌僕因
公接見中略僕游閩謁外臺與童君數晨夕中略讀閩游諸什則秀麗冲融直逼王孟而閩之人

物山水土風畢著其中下略
懷葛堂文集卷二

蘇萬石公按察江西遇先生敬禮有加及公奉命理福州將軍事先生買舟過訪集唐詩十

律以爲贈下略
童智涵跋語附於集唐詩之後

是年梅定九文鼎卒年八十九方苞墓表徵

梅定九名文鼎字勿菴安徽宣城人於書無不讀而特好歷算之學少師事明遺民倪觀湖受麻孟璡歷法書一帙不數日悉通曉爲之注釋補成歷學駢枝四卷觀湖見之大驚以爲非意所及也中年喪偶不再娶閉戶覃思謝絕人事值書之難讀者必欲求得其說往往致

廢寢食格於他端中輒耿耿不忘或讀他書無意中若然有觸而積疑冰釋乘夜秉燭更起書之或一夕枕上所得累數日不盡每漏四五下猶篝燈夜讀昧爽則已興矣數十年如一日其精力過人如此聞有通茲學者雖在遠道不憚蹇裳往從亦詳告之無隱會修明史同里施愚山侍講以書問勿菴因爲歷志贅言寄之史局亦亟欲得勿菴又數年始至京師局中皆大喜以歷志及詳定爲訂正訛舛五十餘處其著述甚富論歷算者凡七十五種參看毛際看

可撰傳朱書送序方灝撰墓表
杭世駿撰傳阮元撰碑人傳

質人有送梅定九北上詩及書梅勿菴推一元消長圖後

清康熙六十一年壬寅質人八十二歲

是年質人在江西南昌代王中丞作新修廣潤城門記按江西南昌府志卷九建置康熙十一年廣順城門鑿王企靖重建六丈

爲新喻令張柱客作香樵集序

上略
壬寅夏張侯與余始相見於豫章一見尋別去快快於余心亟讀其香樵初集

下略
香樵集序
香

懷葛堂文
集卷二

梁質人年譜

是年質人又在武昌爲郭善夫再跋熊芝岡手蹟

上略跋在壬午今二十年並手蹟歸余友郭子善夫

下略

懷葛堂文集卷六再跋芝岡手蹟

按壬午卽康熙四

十一年閏二十年卽康熙六十一年此時熊芝岡手蹟旣歸郭善夫則質人此跋必爲善夫而作再据大觀山七夕詩序質人來武昌僦僧舍與郭善夫僑居相近其時已年愈八十正若是年歲數是年質人八十二歲則質人再跋芝岡手蹟又在武昌無疑也

武昌楚都會中峙三山大觀爲最友人郭子善夫僑居焉余來遊僦僧舍相近者往來數晨夕蓋素心離索於茲十年矣明年避囂漢上與武昌相望而閔隔大洋江漲風浪惡雖皇遽重大事艤艤巨艘不敢渡無問小艇而郭子餽問如初也暑退客久歸思動郭子肅客爲七夕會七客分居江東西皆皓首皤然余且逾八十惟郭子富春秋服官政下略大觀山七

文集
卷三

清雍正元年癸卯質人八十三歲

是年質人來往於武漢之間參看上條所錄大觀山七夕詩序

清雍正三年乙巳質人八十五歲 此時質人已歸江西

是年作同學賴牧庵七十序

牧庵爲易堂魏季子之門人康熙辛亥年十六依此推算七十歲即在雍正三年

參看賴牧
庵七十序

懷堂葛文
集卷三

清雍正四年丙午質人八十六歲

是年爲汀州雷殷薦進士作其父母合葬誌銘

汀州雷殷薦成康熙乙未進士既宴以養二親告歷年十有二息菴太翁陰太母後先卒丙
午殷薦奉二親柩將合葬泉上自聞之江右南豐者五不以份不能文以誌銘屬固辭弗獲

息庵雷太翁暨元配陰太母合
葬誌銘 懷堂葛文集卷七

清雍正五年丁未質人八十七歲

是年王君選文卒年六十有六質人爲作傳君選南豐人

康熙十三年甲寅君選年十三卒年六十有六依此推算君選卒於是年

參看王文佐傳
懷堂葛文集卷五

清雍正六年戊申質人八十八歲

內藤譜謂質人卒於是年年八十九並云全謝山祖望以雍正七年督學王蘭生之選充貢入京師又謝山撰劉繼莊傳謂及余出游於世而繼莊同志如梁質人王岷繩皆前死不得見是則質人卒於是歲也無疑按董秉純所編全祖望年譜七年己酉王公以先生充貢先生又辭王公不許遂以明年春北上可知質人充貢入京在雍正八年而非雍正七年且是年質人八十八歲亦非八十九歲謂爲卒於是年誤也

清雍正七年己酉質人八十九歲卒於南豐

是年爲門人何良頤作何氏宗祠記

何氏宗祠記後有何良頤跋上略茲記縱橫變幻上下千古感慨淋漓時年八十有九夫子儒家郡城是年來省先塋寢疾三日遂爾告終下略懷萬堂文集原刻本由是可斷定質人得年八十有

九卒於南豐

清史列傳卷七十文苑傳一附魏禧傳

梁份字質人江西南豐人少從彭士望魏禧遊講經世之學工古文辭嘗隻身遊萬里西盡武威張掖南極黔滇徧歷燕趙秦晉齊魏之墟覽山川形勢訪古今成敗得失遐荒軼事一發之於文方苞王源皆重之其論山海關謂自明洪武間始設隋置臨渝於西唐爲榆關東北古長城燕秦所築距關遠皆不足輕重金之伐遼自取遷民始李自成席卷神京敗石河而失之天之廢興人之成敗而決於山海一隅荒榛千百世之上而偏重於三百年間天下定則山海安山海困則天下舉因其安危之重如此生平以未游山海爲憾爲人樸摯強毅守窮約至老不少挫卒年八十九著有懷葛堂文集十五卷西陲今略八卷

附譯內藤虎次郎所著梁質人年譜

原著見讀史叢錄二三
九一頁至二五四頁

明崇禎十三年庚辰 質人大約生於此歲 據李草堂名風一墓誌草堂年七十三卒於康熙四十一年壬午而誌中有言余在弘齋夫子邵睿門牆日草堂已十年以長則是歲質人年六十三由此逆算之 許尹重六十序作於康熙四十二年癸未今余與君年皆踰六十亦可以備證

清順治元年甲申 賴人五歲

順治十一年甲午 賴人十五歲 李草堂幼師弘齋夫子已見於墓誌又質人小李十歲從

遊弘齋則在十五六歲以前可知 國朝耆獻類徵卷第四百引吳德旋之聞見錄曰

程山在江西南豐故約齋謝文海與邵先士講易處也

邵先士名睿明南豐人諸生少穎慧長以文名邑中邑中人爭延爲子弟師先後受業百許人先士有兄爲邑吏及禍破產不能自贖先士傾私產脫之先士性虛受樂規諫以執德不宏

清高宗

諱弘字故以宏字代之爲己病因自號曰宏齋

哭確齋先生文曰今樹廬夫子遠出而未歸先生與弘齋夫子釋大方師皆舍我而去世之知

我者盡矣是則宏齋之卒當在林確齋卒年以前確齋卒於康熙十七年戊午

康熙元年壬寅 質人二十三歲

康熙三年甲辰 質人二十五歲

康熙十二年癸丑 質人三十四歲 始以彭躬菴士望爲師常在此歲 哭魏勺庭夫子文曰
份事樹廬夫子於今八年 魏勺庭卒於十九年庚申由此逆算而定之 樹廬爲躬菴之別
號 惟癸丑卒歲侍先生其教份之語已備載之書冊此見於哭確齋先生文是則此歲質人
當任寧都易堂從遊彭躬菴林確齋等

是歲十一月吳三桂舉兵叛清朝

東華錄
聖武記

康熙十三年甲寅 質人三十五歲吳三桂軍略四川湖南湖北等地

東華錄
聖武記

康熙十五年丙辰 質人三十七歲 二月吳三桂之將高大傑趙翼皇朝武功紀盛魏源聖武記並作高大節逆臣傳作高得

捷 陷江西吉安未幾大傑死韓大任守之七月清之簡親王喇布軍圍之不能下 三桂將馬

寶等率兵援吉安

參采東華錄
聖武記

質人於是歲二月由江西抵長沙爲韓非有卽任大乞援於吳三桂三桂留之三月初一日與清

安親王軍戰於官山使質人觀戰廣陽

雜記

封位齋濬卒於八月程山謝約齋之門人也

墓誌銘

康熙十六年丁巳 質人三十八歲 正月馬寶援吉安之師引去 四月韓大任潰圍走興寧
寇合竄踞江西各地清師不能勦寧都魏際瑞伯子魏聞大任爲豪傑欲全之使就清軍招
撫事不成爲大任所害 大任以十月拔營走福建參采東華錄聖武記魏 按質人去韓軍
大約在此時歟

康熙十七年戊午 質人三十九歲 正月韓大任以一萬餘人降康親王傑書軍 八月吳三

桂死於衡州

東華錄

是歲林確齋時益卒年六十一疑年實錄確齋故明南昌宗室之子變姓名爲林確齋與彭躬菴爲
友迨躬菴與魏叔子定交乃與確齋挈妻子偕往家於叔子所居之翠微峯所謂易堂九子之一也質人祭確齋先生文曰

弘齋夫子嘗問冠石何以待子份以樹廬夫子嚴父確齋先生慈母爲對
所長於有過中而諒其無他者惟先生一人耳 份前後至冠石皆不半
先生冠石爲江西寧都金精山中之著名見讀史方輿紀要林確齋徒居朝耕翠微峯亦金精山十二峯之一出於魏叔子翠微峯記及大
其在易堂從遊之狀

康熙十八年己未 質人四十歲 揭韡然文集序己未余以古文辭遊四方
萬里閱人多則是歲以前質人之生活得以推測

康熙十九年庚申 賴人四十一歲 春彭躬菴赴浙江送朱脩齡序使質人從魏
門人哭魏勺庭夫子文 賴人從叔子遊無錫主秦太翁館舍送丁酉典試秦太史序十一月叔
之約舟至儀真忽發心氣病一夕而卒年五十七時質人從行魏季子撰叔子紀略
質人哭魏勺庭夫子文曰

門人梁份新刻夫子詩文集陳柩前覽踊而哭曰份奉命校讎有成功矣
夫子固善病昨僕夫自真州卽儀真至暮叩門心動從門間問夫子安然後

言體大健以是份留數日待此集之成惡知二日內而病病而如是哉份傷心夫子者不枉不得永訣不親視含殮爲兒女子之私耳

然則質人雖從行叔子而爲校刻詩文集暫離其側叔子卽於此時因急病而死者

康熙二十年辛酉 質人四十二歲 過鹿渚河南歸德府鹿邑縣見明遺老熊見可此見於熊見可先生

哀辭份三過鹿渚皆匆匆去獨辛酉留旬日云

康熙二十二年癸亥 質人四十四歲 是年彭躬菴卒年七十四疑年
賽錄

康熙二十三年甲子 質人四十五歲 是年甘肅提督侯爵張勇卒碑史館本傳 遼人王定山諱

燕贊張勇中軍與質老相與甚深質人因之徧歷河西地著爲一書凡數十卷曰西陲今略歷六年之久寒暑無間其書始成廣陽雜記 質人答劉體元書云份向在黃定山所寡聞渺見未能

成書由是可知此時所成者尙未定稿黃定山卽王定山也黃王音近 所云六年者自魏叔

子卒之翌年康熙二至劉繼莊入燕京之前年康熙二十五是卽質人第一次在河西之時期

康熙二十六年丁卯 質人四十八歲 是年劉繼莊獻廷由吳入都廣陽雜記 繼莊始在都中見

質人之著書當在此歲

康熙二十七年戊辰 賴人四十九歲 據有美堂集序及一硯齋集序是年質人客金州陝西興安
府之古名與劉體元定交序其一硯齋集又爲知府李筠菴序其新刻有美堂集

康熙二十九年庚午 賴人五十歲 是年夏與黃復菴同客其嫵茹紫庭所六十序黃復菴茹紫庭
名儀鳳宛平人爲陝西岐山知縣時以禮遇李中孚顥李雪木柏李天生因篤而有名尋爲湖
南衡州府同知質人作客大約在其衡州任中耳

是年劉繼莊復至吳見於王崑繩之劉繼莊墓表 茹紫庭在衡州以招致劉繼莊及劉元叔
廷獻劉羽遨忠嗣等而有名 此事亦當在是年以後二三年之間

康熙三十年辛未 賴人五十二歲 劉繼莊與質人遇於星沙長沙地名之狹路鈔錄西陲今略
經始於二月初一日至二十二日錄畢廣陽雜記之春與質人相遇似誤雜記謂壬申

是年質人送王都督擎菴之遜義序作於寧都可證其在江西

康熙三十一年壬申 賴人五十三歲 是年春楚游倦歸道出鄂清昌武昌見揭驛然文集序潘

柳東八十序亦記是年客於鄂渚

康熙三十二年癸酉 質人五十四歲 以事之榆林見修復甘泉碑記是則明年第二次河西游歷發端於斯歲也 與熊孝感書都城數月云云以下述秦游之役其啓程是由燕京耳

康熙三十三年甲戌 質人五十五歲 重游秦塞取道抱罕贈吳其矩序張采舒跋柳誌銘七月杪返長安以南方乘舟之人策馬五月元書劉體此游陝西驛傳道張霖出百金爲質人治裝遂得完成十年

前起草未成之書詳見與熊孝感書及答劉體元書今以抄載兩書於別項略之

與熊孝感書稱張霖爲張公

觀察答劉體元書
稱觀察督菴張公

是歲在秦與張翬字采舒定交張采舒
跋柳誌銘

康熙三十四年乙亥 質人五十六歲 六月張霖由陝西驛傳道升爲安徽按察使

東華錄
姜淇圖宸

英之梁質人懷葛堂集
序稱安徽張公者是也

作明威將軍和鈞天墓誌銘 和鈞天葬於善化然則質人此時在長沙歟

劉繼莊是歲七月卒年四十八

康熙三十七年戊寅 質人五十九歲 十月張霖升爲福建布政使東華錄 據周子儀告別倡和詩序是歲質人似在京師 參考姜湛園之集序其入燕當在三十四年以後 據張采舒頤榔誌是歲質人客長沙歟

康熙三十九年庚辰 賴人六十歲 據陶母張孺人墓誌銘是歲庚辰余客長沙與奉長定交奉長陶氏張孺人之夫 因余交劉忠嗣忠嗣天下奇男子也

康熙四十年辛巳 賴人六十二歲 三月高緝容爲福建布政使東華錄 張霖卸任當在此時幾輔通志記其署雲南巡撫緣事落職家居亦爲是歲之事耳 據與劉忠嗣書上已後十日份買舟夏口比至金陵茹紫庭已還家方嚴程之任滇南痛談浹日始南北分行渡江淮逾泗浮漳衛下直沽時已初夏魯菴張方伯退居一室楚然爲喜百有六日暑退涼生溯潞之燕市此七閱月舟行四千里之大略也由此可知是歲赴燕京旅行之大概 茹紫庭此時將赴雲南景東知府之任 賴人有送茹紫庭守景東序其後紫庭遷雲南楚雄知府再遷廣西廣南知府其在何歲不詳 張魯菴方伯卽張霖此時已卸任歸住天津

茹紫庭墓誌

康熙四十一年

萬季野
六十序四月

夫寇郭善夫

作李草堂一

康熙四十二年

舒頤
榔銘與新安

與朱字綠書

十七年四十

說秋齋記癸

康熙四十三年

起來述山人

梁實人

是歲客漢上

康熙四十五年丙戌 質人六十七歲 二月王崑繩源與質人之子文中步登天壽山謁明陵
王源居業堂 集十三陵記 八月張采舒輩客死常山正定府 張采 舒飄櫟誌銘

康熙四十六年丁亥 質人六十八歲 九月王崑繩源序質人文集序中云余與質人俱落拓
京師窮且老依人則此時質人當在京惟二十四泉草堂詩集序云丙戌之明年余將南歸又
張采舒飄櫟誌記采舒死之明年將還山取道常山訪得采舒之櫬然則是年復就南歸之途

歟

康熙四十七年戊子 賴人六十九歲 爲漢陽狂士文賓門作問真堂詩集序當在此年

康熙四十八年己丑 賴人七十歲 碧梧軒琴譜序余北征道經漢陽陶母張孺人墓誌道經
夏口文陟予印藪序經由漢口汪母何孺人生塘誌客漢口正始書院記今復北征經鄖城茹
公渠記重遊肅皆在此歲其由江西鄉里作肅州之遊道途所由足以明矣 是歲茹紫庭以
觀察秉節使肅見其墓誌質人以七十老駉三度赴西北邊疆而依茹紫庭者據墓誌紫庭之官職爲整飭肅

州等處撫治番鄉兼管肅鎮
屯田事務按察使司副使

是歲作茹公渠記記紫庭疏鑿渠水之利

康熙四十九年庚寅 質人七十一歲 王崑繩源卒年六十三

李恕谷塘
王子源傳

康熙五十年辛卯 賃人七十二歲 二月作南昌人仲昭吳翁八十序此時已歸住江西歟

康熙五十一年壬辰 賃人七十三歲 茹紫庭再期秩滿以次推江西按察使二月忽疾作而

卒年六十三賃人作墓誌銘 是歲佟國勳爲江西巡撫賃人爲其子申之作潛修軒詩集序

參采清史
稿東華錄

康熙五十二年癸巳 賃人七十四歲 作建昌郡清香閣記

康熙五十三年甲午 賃人七十五歲 作新修建昌府學記

康熙五十四年乙未 賃人七十六歲 作重修建昌城隍廟碑記 據以上三年間所作之文

質人此時常常居於江西建昌府其鄉里南豐縣亦在府內

康熙五十六年丁酉 賃人七十八歲 贈顧玉停序秋杪玉停訪質人於豫章

江四省
城南昌

玉停太

倉人 是歲侈國勦龍江西巡撫

康熙五十九年庚子 賢人八十一歲 作郭將軍登龍墓表

甲午乃葬於今七年
由此推算卽在是年謂葬於西安

鄂杜間郭母陳太君

卽登龍之妻

七十序郭子善夫

名恒

登龍之子

寄居關中令子景文純以名諸生一日

四馬追余三十里致贐金乞壽序由是觀之是歲似先在西安再由西安而歸江西者

涂尙臯六月卒魏叔子之門人也 賴人爲作墓誌銘

是歲所作代石外臺重新德勝門關廟記

在昌南

坡山朱氏宗譜序

坡山在江西瑞州西四十里

帥周合藁序

二氏皆南昌人似皆作於江西此時質人當居其鄉里耳

康熙六十年辛丑 賴人八十二歲 代江西巡撫王企靖作新修廣潤城門記

門在南昌題中僅稱王中丞企

靖之名係據清史稿東華錄等 作鄜州刺史黃光會墓誌銘光會魏叔子之門人也

閩游草序云冬吾外臺石公攝鎮閩將軍事道出建昌僕因公接見

接見閩游草作者童智漁

是年冬質人

似在鄉里同序僕游閩謁外臺與童君數晨夕是未幾而又游福建其老健可知

康熙六十一年壬寅 賴人八十三歲 壬午

康熙四十一年之後二十年有再跋芝岡

熊襄愍公

手蹟

之文當作於此歲文中記其手蹟歸郭善夫 又大觀山七夕詩序質人來武昌僦僧舍與郭

善夫僑居相近明年避囂漢上而郭子饋問如初郭子肅客爲七夕會余且逾八十惟郭子富春秋服官政此一二年質人當在武漢之間

雍正元年癸卯 質人八十四歲

雍正二年甲辰 賴人八十五歲 福建汀州人雷進士般薦未

康熙乙未進士

父雨潤卒

雍正四年丙午 賴人八十七歲 雷進士般薦自閩之江西南豐者五次乞父母

母陰氏康熙五十九年卒

合葬墓誌銘質人爲其作之

雍正六年戊申 賴人八十九歲 是歲卒

國朝先正事略及尚友錄

全謝山祖望以雍正七年督學王闡生之選充貢入京師又謝山之劉繼莊傳及余出游於世而繼莊同志如梁質人王崑繩皆前死不得見是則質人卒於是歲也無疑

質人之父祖不詳 據復伯兄書謂家無聞人書中有云今兩子一爲邑文學一爲博士弟子員

與八大山人書述及長兒文起然則見於王崑繩十三陵記之文中是爲其次子